

PROCEEDINGS OF THE SECOND SESSION OF THE MIZORAM
LEGISLATIVE ASSEMBLY HELD AT THE ASSEMBLY HALL
FROM 20.10.1972 TO 1.11.1972.

5TH SITTING - 26.10.1972 AT 10. A.M.

PRESENT:

Pu H.Thansanga, M.A., B.T., Speaker in the Chair.
One Chief Minister and four Ministers and
twenty six Members.

BUSINESS:- 1. Starred Questions.
2. Voting on Demands.

SPEAKER: Tunah Pu R.Dotinaia question No.42-na kan la
ang a. Pu R.Dotinaia'n han zawt sela.

PURDOTINAIA Pu Speaker, "Tun kum 5 kal ta chhung khan
Government High School hian furniture lei
nan grant a hmu em? A hmuh chuan kumtina hmuh zat engge ni
a, furniture eng ang chi nge an lei?."

PU VAIVENGA EDN. MINISTER: Pu Speaker, hmu e, hetiang ani
Kum 1967-68 inkarah grant Rs.
800/- an hmu a, chu chu Dawhkan leh Thutthlengsei sian nan
hman a ni a. Kum 1968-69 ah an hmu lova, kum 1969-70 leh
1970-71 ah an hmu lo leh a. Min, Kum 1971-72 ah Rs.4,800/-
an hmu a, chu chu Blackboard le, Dawhkan leh Thutthlengsei
te leh Class Room sian nan leh Teachers' Common Room sian
nana hman a ni.

PU ZALAWMA: Pu Speaker, kum 1968 leh 1971 chhungin eng
vangin nge an hmuh leh?

PU VAIVENGA, EDN. MINISTER: Pu Speaker, kan hre bik lo,
hei hi tun hma thil a ni a.

Pu H.SANGZUARA Pa Speaker, tun hma hun kal tawhte hi kan
Minister zahawm takte hian an hre lo zel
dawn em ni? Assam kan chhuahsan hnu khan thil zawng zawng
chu kan kutah a inghat ta a, chung thil kan lo tawh
te chu an theihngihl zel dawn em ni ang?."

PU VAIVENGA, EDN. MINISTER: Pu Speaker, Liability leh Asset
ah chuan mawh kan phur a, thil
awm lo ah chuan mawhphurh theih a ni lo.

SPEAKER Pu R.Dotinaia question No. 43-na.

PU R.DOTINAIA : Pu Speaker, "Govt. H.S. & M.P. School
Playground hi Security Forces ten an nei
ta tih hi a dik em? A dik chuan sawrkarin laklet leh a tum em?"

PU VAIVENGA, EDN. MINISTER: Pu Speaker, kan ram a lo hmu

PU RZOLIANA Pu Speaker, "Mizoram sorkar hian India ram
University hrang hrang ah Mizo zirilaite tan
seat a hauh sak em? A ruat chuan, University hrang hrang
engzatnge chung seat ruatte chu lo pawm?

PU VAIVENGA EDN.MINISTER: Pu Speaker, Mizoram sorkar chuan
India ram hmun hrang hranga
University ah te zirilaite tan seat Reservation chu a zawn
mek zel a, University atanga seat min pe thei tur hriat
chiah la ni lo mahse, Correspondence a zawn mek zel a ni.

PU K.SANGCHHUM: Pu Speaker, Supplementary question - India
ram pum puiah hian approximate-in seat
engzatnge dil ni reng reng?

PU VAIVENGA, EDN MINISTER Pu Speaker, chung chu ka sawl
thei mai lova, nakinah a hriat
theih mai ang chu.

PU LALKUNGA Pu Speaker, University hming chu ahriat
theih em?

PU VAIVENGA MINISTER: Pu Speaker, tuna an sawi ang kha ch
kan lo buatsaih lova. Member ten
hriat an duh chuan kan lo buatsaih ang e.

PU K.L.ROCHAMA: Pu Speaker, Mizote hi India ram hmun hrang
hrang University leh College ah te hian in
thawn ve hran hram tum ila, Mark-sheet lamah te hian duh
anga tlin phak loh deuhnae a awm thin a. Hengahte hian
in thawn kir leh fote a nih chuan a fel lovang a. Chuvangin
kan mark-sheet in a phak loh deuh naah te pawh min ngaihtuam
na bik nei thin se, tul hlein hei hi ka hria a ni.

PU VAIVENGA, EDN MINISTER Pu Speaker, chung chu kumin ah hian
kan hriatna a ni a, kan dikna ah
chuan kan quota ang chuan a bika tihawm niin kan hria.

SPEAKER: Tunah Question No.50-na Pu R.Zoliana.

PU RZOLIANA Pu Speaker, "Mizoram sorkar hian Mizoram
pawna zirilaite hnenah Mizo Relief grant hi
pek ve a tum em"?

PU VAIVENGA, EDN MINISTER Pu Speaker, kan ngaihtuah mek lai
a ni a, kan ramah pawh hian Member
zahawm tak takte pawh an awm a.

PU SALTAWMA Pu Speaker, Mizo student tih hian High School
leh College a zirilaite chauh em ni a huam ?
Nge, Middle School zirilai leh a hnuai lam te a huam em?
Relief grant chu Mizo student zawn zawn tan ngaihtuah
sak a ni em?.

PU VAIVENGA, MINISTER Pu Speaker, hemi chungchangah hian
buai harsat zual avanga Assam
sorkarin Phai lama lehkha zirte pek tura a commitment a lo
siamte chauh kha ngaihtuah an ni a. A dang chu kan huamtir
lo a ni.

SPEAKER: Question No.51-na Pu R.Zoliana.

PU R Z LIA A: Pu Speaker, "Mizoram sawrkar hian Mizoram education hrang hrang tan Text Book Committee a siam tha tawh em?".

PU VAIVENGA, MINISTER: Pu Speaker, la siam rih lo.

PU R Z LIA A: Pu Speaker, supplementary question - Text Book Committees for the various stages of education in Mizoram, tih chu siam thatna tun hnaiah tum a ni reng em? Min hrih thei ang em le?

PU VAIVENGA, MINISTER: Pu Speaker, hei hi thil tul tak ani tih sorkarin a hria a. Mahse Text Book ngaihtuah tur chuan chawpleh chilha siam a harsa a ni.

PU LALSANGZUALA : Pu Speaker, tunah hian Text Book thenkhat chu revise a tih danglam deuh tum dawn hriatnate a awm a. Chu chu tuna Education Department hian anti mai dawn . em ni?

PU VAIVENGA, MINISTER: Pu Speaker, a tul dan angin chu chu ngaihtuah zel a ni ang.

PU LALSANGZUALA: Pu Speaker, a tul dan ang a, tih tur anih chuan a Committee chu awm se thil tha a ni dawn lawm ni?. (Speaker: chu chu i rawt nge i zawt?)
Ka zawt a ni.

PU VAIVENGA, MINISTER: Pu Speaker, la thlir zel a ni ang.

SPEAKER: Question No.52-na Pu R.Zoliana.

PU R Z LIA A: Pu Speaker, "Mizoram sawrkar hian Education atan bik Service Rules, Assam sawrkar ta ang ni lo siam a tum em?"

PU VAIVENGA, MINISTER: Pu Speaker, hemi chungchang hi ngaihtuah mek a ni.

PU SAILLAWMA: Pu Speaker, chutiang ngaihtuahna ah chuan Out-side Cadre an tih graduate teacher te hi ngaihtuahna a awm dawn em?

SPEAKER: Chuti anih chuan supplementary question chu a admit theih tihna anih chu.

PU R Z LIA A: Pu Speaker, Education Service tih hi chu tuna kan hman lai hi a ni a. Sawrkar in siam thar zel a tum em? tihna a ni.

PU VAIVENGA, MINISTER: Pu Speaker, chung chu ngaihtuahu te chuan an thlir ang chu.

SPEAKER: Question No.17-na Pu J.Thanghuama.

PU J.THANGHUAMA: Pu Speaker, "Sawrkar hian kum 1972 atan Holiday list a siam fel tawh em? A la siam

PU CHCHMUNGA

CHIEF MINISTER: Pu Speaker, Holiday List chu puahchah fel a ni tawh a, sawi a ngai tawh lo ang a. Ni 16th September, 1972 khan hriattirna pek vek a ni tawh.

SPEAKER: Question No. 22-na Pu Lalsangzuala.

PU LALSANGZUALA Pu Speaker, "Mizoram sawrkar hnuaia Department hrang hrang ten 21 June, 1972 atanga 31 August, 1972 chhunga Employment Exchange a inziak luh tir lo mi an lo lak tawh zawng zawng zat leh Chutianga Employment Exchange Act 1959 leh Rules 1960 kalha dik lo taka lo la tu, Officer te chungah chuan engdinga action an lak? (Compulsory Notification of Vacancies).

PU CHCHHUNGA

CHIEF MINISTER: Pu Speaker, Central sawrkar hian Mizoram Union Territory ah hian Employment Act 1959 hi hmang tura tih luihna a la nei lova. Chu chu tuna kan dinmun a ni rih e.

PU LALSANGZUALA Speaker, Employment Exchange Act 1959 hi kan nei a tul em ni?

PU CHCHHUNGA,

CHIEF MINISTER: Pu Speaker, hemi chungchang ah chuan Head of Department in tula a hriat chuan a telh mai thei a ni.

PU ZALAWMA

Pu Speaker, Supplementary question - Dan tlawhchhan (base) tur pawh awm lova tih chu a va buaithlak duh awm em? Employment Exchange a in Register nga chu sawtna leh tulna a awm chung lo tihna em ni? Chu chu min hrihfiab thei se a tha hie ang a.

PU CH.SAPRAWNGA : Pu Speaker, dan nararin Employee zawngtu t tan remchang atax an ti a ni mai lawm ni?

PU CHCHHUNGA

CHIEF MINISTER: Pu Speaker, Chutan chuan kan dinmun ka sawi tawh a. Hman loh tur tih sawina a awm lova. 1959 ami hi hman a ni rih lo tih kan sawi mai a nia. Tuna kan Member zahawm takin a sawi ang Khan hna zawng mektute thil remchang tak a ni bawka. Chuvangin hman tur tihluin ni kher mah suh sela, chu ang chuan kan la kal mai a ni.

SPEAKER Question No.23-na Pu Lalsangzuala.

PU LALSANGZUALA Pu Speaker, "Ministry of Home Affairs lehkha No.14/26/68 - Estt (d) of 4 July 68 as amended by No. 14/11/68(d) of 3 Jul 68 angin sawrkar Department hrang hrang hmun ruakte hi sipai bangte tan hauh a ni em? Chu chu Class III ah 10%, Class IV ah 20% a i a. Heta sawi ang tak hian hmun ruak te chu sipai bangten an puah khat reng em?

PU CH. CHHUNGA,

CHIEF MINISTER: Pu Speaker, sipai bangte tana hna reserve chungchanga India sawrkar thu chhuak hi kan ram atan pawh hman theih a ni ang a. Chung chu a in sem rual tawka ngaihtuah a ni ang.

SPEAKER Question No. 1-na Pu K. Sangchhum,

PU K. SANGCHHUM: Pu Speaker, "Ni 23.5.1972 hnuah Sangau ah Medical Staff dah beih a ni em?."

PU P. B. NIKHUMA

DY. MINISTER: Pu Speaker, Sangau incident thilah hian dandawi thawn a ni a. Tin, Dr. Rajkhowa, MBBS tirh pheih a ni bawk a. Chutiang chuan a remchang dan ang ang a chet a ni a. Amaherawhchu Medical Staff te dah turin hmun ruak (vacancy) a awm rih lo va, Vaccinator erawhchu dah a ni.

PU R. ZOLIANA

Pu Speaker, he dandawi Sangau tana pek si, Lunglei Hospital a la awm ha engtia rei nge a awm tawh tih min hrilh theih em?

PU P. B. NIKHUMA

DY. MINISTER: Pu Speaker, tunah chuan a kal daih tawh a rin a ni. Lunglei S.D.M.O. hnenah pawh thawn tura hrilh a ni tawh.

PU SAPLIANA

Pu Speaker, Sangau ah hian Nurse hna ruak a awm a, chu chu tunah hian dah khah a ni tawh reng em?

PU P. B. NIKHUMA

DY. MINISTER: Pu Speaker, Nurse dah ala ni lo.

PU LALSANGZUALA:

Pu Speaker, Deputy Minister Khan Sangau ah chuan Vaccinator dah a ni tih thu a sawi a. Chu chu dah a nih chuan dandawi prescription pawh pe, tura authorised em ni?.

PU P. B. NIKHUMA

DY. MINISTER: Pu Speaker, kan thawn lai hun hi chuan Pharmacist a la awm a, a contract hun a la tawp lo a ni.

PU LALSANGZUALA:

Pu Speaker, Lunglei a a awm chu a thleng tawhin kan ring a ti a. Tuna a awm si loh chuan a dandawi chu tunge ei anga, tu-innge ei tir ang?

PU P. B. NIKHUMA

DY. MINISTER: Pu Speaker, heng thil, dandawi thawn chhuah vel chungchang ah hian kan duh angin kan ti hmanhmawh theih lova, heng consignment te hi Sangau a thlen tawh ngei chu rin a ni a. A thlen hma chuan hman theih loh a ni mai ang chu.

PU K. SANGCHHUM:

Pu Speaker, ram buai zual laite pawh khan

PU P.B. NIKHUMA,

DY. MINISTER: Pu Speaker, tunah hian burtsaih mek a ni a. Dispensary zawng zawngte chu tih leh vek tum a ni a, building lamte pawh sak leh tura tih a ni.

SPEAKER: Question No. 15-na Pu J.Thanghuama.

PU J.THANGHUAMA: Pu Speaker, "Eno Act leh nge Order in nge Pawi, Lakher leh Chakma District Council te hi din an nih?"

PU VAIVENGA, MINISTER: Pu Speaker, India Dan a Sixth Schedule Paragraph 1 sub-para 3-na ancin Mizoram Administrator in Notification No. CCMP.3/52/70-77 of 1st April, 1972 siamin heng Pawi, Lakher leh Chakma Autonomous Regional Council te hi a siam a ni.

PU J.THANGHUAMA: Pu Speaker, Member zahawa takin a chhanna kha (Pu C.Lalruata: Pu Speaker, Member a ni lova, Minister a ni) Ka tih suak a ni e. North Eastern Areas kha a rawn chhuang hle a, Chief Commissioner in dan a siam a, hemi dan a tlawhchhan hnuin dan dang a awm leh niawm a ni a, hrilhfiak a ngai deuh a, Dan hmase ah chuan Regional Council hi a din theih ang tih a ni a. Tuna a lan dan chuan din theih loh ang tih dan dang a awm leh ta a. (Speaker: Chumi dan chu i keng em) Keng lo. Chuvangin tunah hian District Pathum lai din a ni leh sa a.

SPEAKER: Chutiang dan thu chu tunah i nei a maw? I neih loh chuan House Table a dah tur a ni ang. Awle i neih theih loh chuan Minister lam ten sawi tur in nei em?

PU VAIVENGA, MINISTER: Pu Speaker, Chutiang, te thil awm a nih chuan la en fiak a. a tul dan anga tih leh tur chi niin ka ring.

PU HRANGAII: Pu Speaker, Pu J.Thanghuama Khan chumi chu a hmuhna min hrilh thei em?

PU J.THANGHUAMA: Pu Speaker, Government of India atanga hmu ka ni.

PU CH.CHHUNGA,

CHIEF MINISTER: Pu Speaker, a chhuah ni kha a hriat theih em aw?.

PU J.THANGHUAMA: Pu Speaker, nakin ah chawhnu lamah ka rawn type chhuak ang a, ka pe ang e. Ka kutah awm rawh se.

PU CH.CHHUNGA,

CHIEF MINISTER: Pu Speaker, Type kher lo pawhin a kuta awm chu min pe thei mai lawm ni?

SPEAKER: Tuna mi kha a dah theih mai lawm ni?

PU J.THANGHUAMA: Pu Speaker, a chhe em a, an chhian theih loh ka ring atin a ni.

SPEAKER: Question No.19(a)-na Pu J.Thanghuama.

PU J.THANGHUAMA: Pu Speaker, Point of Information leh Order nih pawh fawmin, nimirah Officer te an mahni thilah Gallery ah pawh an lo awm tawh lova, hei hi awm ve ngei se ka duh a, ka han sawi hmasa duh lawk a.

Awle, ka zawhna No.19-na chu - Ni 1.5.1972 atanga 31.8.1972 chungin Village Council engzatnge an thiata, engvanga thiat nge an ni?

PU P.B.NIKHUMA,

DY. MINISTER: Pu Speaker, Tahrik 1.5.72 atanga 30.8.72 thlengin Village Council sawn (10) thiat a ni a. Chung zinga pasarih (7) te chu Khawtlanginawp dan a fel tawh loh avang a thiat an ni a, a dang pathum te erawhchu majority member an ban avangin thiat an ni.

PU J.THANGHUAMA: Pu Speaker, khaw sawn lai Village Council thiat a ni tih hriat a ni a. Khawi khawi Village Council te nge thiah ni a, chungta chu Mizo Union sawrkarna te nge an nih a, Congress?

PU P.B.NIKHUMA,

DY. MINISTER: Pu Speaker, Chung Village Council thiat tak te chu Kawlkulh, Khawrihnim, Khawlailung Tlungvel, Bungzung, Changzawl Kangmun te an ni. Heng Village Council te hi Congress V/C nge an nih a a Mizo Union V/C tih thu kher erawhchu ka sawi thei mai lova, a zawttu Member zahawm takin hriat a ka duh tlal anih chuan kan la m thei ang chu.

PU LAISANGZUALA: Pu Speaker, Kangmun Village Council chu Congress an ni a, elected member 3 an ni a. Chu mi zinga 2 te chu an resigned avangin a puma thiat a ni a. Tin, Chamring Village Council pawh Member 3 an ni ve thova, President tih loh chu an bang a, chu V/C chu thiat lovin, a bang hmun ruak hnawh khah ban Bye-election siam a ni si a, hemi kawngah hian kan sawrkar hian Principle a nei lo vem ni?

PU P.B.NIKHUMA,

DY. MINISTER: Pu Speaker, Kangmun Village Council thiat na chhan chu mimal induhsak lutukna avangin Reserve ngaw te mimal hndah an pe a, chu bakah G.R. leh T.R. an hman dik tawh leh avangin thiat a ni.

Tin, thil kalhmang chiang tak awm chu majority member an ban tlal chuan thiat loh theih a ni lo.

Tin, khawtlang atanga vui leh vaira thu a lo luhin a enfiah turin mi tirh a ni thin a, chuti anga enquiry fel tak a tih anih hnuah chauh thiat a ni.

PU CH.SAPRAWDA: Pu Speaker, Tahrik 1.5.1972 atanga tahrik 31.8.72 inkar kha a ni a. Ni 5.1.72 hma atanga 1.5.72 inkar chung zawnga Village Council dan lo anga thiat (dissolved) teuh te kha engtinge kan tih tak chu lo?

PU P.B. NIKHUMA,

DY. MINISTER: Pu Speaker, tun hma 1.5.72 hma lama dan lo ang a Village Council thiat thenkhat te chuan Court ah an khing a, Court in thiam a chantir chu V/C ah dah leh an ni a. Tin, thenkhat Order fumfe pawh awm lova, kal pah a thiat mai mai te chu Office lamah engmah record a awm loh chuan Office record a awm ten V/C hna chu an kengkawh zel a ni.

PU ZAIWMA:

Pu Speaker, 1.5.72 atanga 26.10.72 thlenga dan lo anga kan sawrkar in Village Council a thiat hi eng zatnge ka hre duh a, ka bial a dik lo taka U.T. Mizo Union sawrkarin Borai Village Council an thiat kha a dik lova. Tuna V/C an thiat te khu V/C inthlan hnungnung bera dan ang thlap a elected vek an ni a. C.A. chu District Council a Mizo Union sawrkar laia an lak, tan lam nei a, dik lo taka report petu a ni a, inthlanna tunah an hmuak mek a ni. Tin, Ngopa ah District Council in Village Council a din chu dan lo angin U.T. sawrkar thar hian a thiat leh a, hengte hi a dik lo a ni.

SPEAKER: I zawt hlei nem, zawh tur i neih leh zawt la.

PU J. THANGHUAMA:

Pu Speaker, Village Council thiah chungchang kha kan Member zabawm tak ten an rawn sawi nual a, helai Bethlehem Vengah hian V/C te leh mipuite inkar ah G.R. thuah an buai hle a, hei hi thiah a ni ve em? Tin, Vaivakawn V/C te hian Sermantilla V/C hi kar hnih chhung ngei a din tura order pek an ni a, an ti duh lova, kar khat chhung ngein tih order an hmu nawn leh a, an ti leh lova, hei engvang nge ni?

PU P.B. NIKHUMA,

DY. MINISTER: Pu Speaker, Bethlehem V/C kha thiat a ni tawh em tih kha ni 5.10.72 khan thiat a ni a, Mizo Union Village Council a ni a, Congress in an hek avanga thiat a ni.

PU LALKUNGA:

Pu Speaker, Kangmun chungchang kha hen zawh fiah ka duh a T.R. leh G.R. chungchanga an hna kha en turin C.A. pakhat tirh a ni a. Mizo Union te, Congress Party hotute ko khawmin inrem takin a zu siam a, mahse a lo haw chuan heta hotu ten C.A. dang an tir leh a. Chu mi report ang chuan an zu thiat ta mai tih a awm a, chu chu a dik em?

PU P.B. NIKHUMA,

DY. MINISTER: Pu Speaker, chutianga Kangmun Village Council thu sawi vak tur awmin a lang lova, inremna fel tak an siam ka hre chiah lo baw. Enquiry vawi khat kan tirh a a la fiah tawh loh chuan a tul dan ang zelin tirh nawn leh mai a ni a. Village Council thenkhatte pheih chu Police enquiry te hial pawh kan tih tir a ni.

PU LALSANGZUALA: Pu Speaker, zawhna i phal tawh lova, kan tawng ve teh ang.

SPEAKER: Zawt rawh zawhna hun a ni.

PU LALSANGZUALA: Pu Speaker, Chamring Village Council ah chuan

PU P.B. NIKHUMA,

DEPUTY MINISTER: Pu Speaker, tuna kan member zahawm takin a han sawi ah khan Village Council elected member 3 zingah pahnih an bang a, chu chu dissolved lovin bye-election neih tir an ni a, hei hi majority member an ni lo ta em ni? a tih kha, Member te chu thlan an ni emaw ruat an ni emaw an vai zing a member tam zawk an ban chuan Democratic Principle kalh anih dawn avangin Village Council chu thiat a ni a, Tin, Chamring khaw bik ah chuan kan lo tisuah palh pawh a ni thei a, kan lo enfiak leh ang a.

PU R. THANGLIANA, MINISTER: Pu Speaker, kan Member zahawm tak Pu J. Thanghuama zawhna Sermantala Village Committee thu kha han sawi fiah chian ka duh a. He khua hian a hranga Village Council neih an dil thin a Mahse pek an la ni lova, Village Council pui turin sian rih ni phat sela tih a ni a. Mahse Vaivakawn Village Council te hnenah nangmahni, hotute lamin rawn ruat fel zawk mai ula, a tha zawkin a lang an rawn ti a. Chutianga rawn ti tu te ngei chuan a tibuai tute an ni ta zawk a ni.

SPEAKER: Zawhna hun a tawp tawh a. Budget ah kan kai tawh ang a, kan tih hmasak tur chu Demand No. 13 na a ni a. Minister in han move sela.

PU R. THANGLIANA, MINISTER: Mr Speaker, On the recommendation of the Administrator of Mizoram and with your permission Sir, I move the Demand for grant No. 13 for Rs. 39,23,510/- for meeting the expenses of Supply-Transport Organisation in the Supply-Transport Department.

SPEAKER: Demand No. 13-na ah hian sawi tur nei chuan han sawi rawh u le.

PU LALSANGZUALA: Pu Speaker, he Miscellaneous Department hnuai a number hi dik lovin ka hria a. Deputy Director of Public tih hi a dik lova, Secretariat hnuai mi a ni zawk a. Tin, Supply & Transport Department hi hmun khat a dah lovin Directorate khat hnuai awm siin a hrang ve ve a dah tur an ni zawk a. Chuti lo chuan thil a fel tawh lo thin a ni. Tin, tuna kan Budget ah hian Chhimituipui leh Lunglei District lam kan ngaihthah lutuk dawh a. D.C. Establishment te pawh an chau lutuk reng reng a. D.D.S. te kan dah thei mai rih lo a nih pawhin A.D.S. te tal chu kan dah tur a ni. Chuti a nih loh chuan kan sawrkar hi Supply & Transport lamah a mualpho thei hial ang. Tin, Director hnuai a hranga Supply & Transport a awm chuan a fel zawk daih dawn a. Supply miin Transport lam a khawih tur a ni lova, Directorate Office level atanga pawhin Supply leh Transport te hi a hrang ve ve a dah tur a ni.

Tin, Budget volume kan en chuan phak 89 naah Transport Wing thlur kan hmu a, tuna kan Minister zahawm tak ten Motor awm zat a sawi ang kha chuan Driver nen a in rem lo. Off-Road pawh awm ni ta se, motor 170 tlan thein driver 126 chauh a nei a. Motor 44-in Driver a nei lo tih a ni. Chu bakah Driver te an lo dam lo thei in Leave te pawh an lo la thei a, chungah chuan thil a fel tawh thei lo a ni. Tin, Motor 170 lai nei e ti lovin Car Washer (pakhat,

A hna hi a hautak lutuk deuh a ni. Tin, Chowkidar pakhat chauh awm tura tih hi a tlem lutuk bawk. Motor chuti zozai a a enkawl hman lovang tih chu a zu hriat theih nghal mai bawk a. Tun budget ah hian Transport lam kan siam tha hman lo a nih pawhin nakum lamah chuen ngaih pawimawh ah neih ngei tawh nise ka duh a ni.

Tin, ka thu tawpnan, Transport Wing ah hian Branch hrang hrang; Service Branch te, Office (Administrative) Branch te, leh Workshop Branch te a awm hnan thliah loh chuan Transport Wing administrative hi a hlawhtling thei tak tak ngai lovang.

PU R.ZOLIANA: Pu Speaker, Demand No. 13-na ah hian tlem han sawi ve ka duh a. Tuna kan Zoram Budget pumpui hi han chhiar hian a interesting hle in ka hria a. A tam pawh hi a hun ngaihtuah chuan a tam ve thawkhat hle bawk a. Han chhiar han chhiar ila, kan chhiar tam poh leh kan duh belh zel dawnin a lang a. Chuti a nih avang chuan mimal mal chuan kan chhiar hian kan duh chu a sang zel a ni. Chutiang mil chuan estimate theih a ni chuangin a rinawm lo.

Awl be, tunah rih hi chuan Supply hi kan ei bel ber a ni a. Tin, Supply Department lam corruption thu chu sawi vek kha tul ka ti lem lo va, chu mi chhui velna tura pawisa te dil belh a nih si loh chuan. Tin, tunah hian ka sawrkarin busget a lo siam hi belhchhah dawn ta ang ila, tun hun tawh te chhung hian hman zawh lohte pawh a ni khanglang thei leh nghal a.

Tin, ka han sawi duh chu Establishment thugh chuan Member zahawm tawk pakhatin a sawi ang khan Lunglei lam tana Salary of Officer tih a awm lo ni chu a mak viatic ka hria. Officer hian tak dah hranga a tul lo a nih pawhin Deputy Director of Supply tal chu dah ve awm tak niin ka hria. Lunglei lam te, Chhimituipui District lamte hi ngaihsak a tul hlein ka hria. Tin, chungte chang ni lovin khawchhak lam tawh hla deuh te hi ngaihsak an tul gual vek mai a. Champhai te leh hman remchang dangah te pawh Sub-Centre of Transport and Supply siam ni ve se tha awm hlein ka hria.

Tin, kan hriat angin Directorate ngawt hi chu a phurh man leh eng engemaw tein a ~~awm~~ loh theih avangin Directorate mai ni lovin Corporation a leh hi/ thil tul tal a ni a. A pumpuiin theih vek rih loh mah sela, 50% tal chu Corporation a leh ngei ni se. Chuti lo chu mirethei te te in a phurh man avanga tawhna kan nei hi a fello hlein ka hria. Hei hi kan hotute hian kan hre renca tihlawhtling ngei turin ka han chah duh a ni e.

PU K.L.ROCHAMA: Pu Speaker, heni Demand No 13-na chungchang ah hian tlem sawi ve ka duh a, ka hmaa sawitu te khan an sawi tam tawh hle a, ka sawi ve duh chu kei ni Lunglei lam leh Chhimituipui District lam saw hotu nei lo ang maiin kan awm a. Tunhna te khan kan tam em em a, tunah pawh ruahtui lo avangin kan tuar leh ngei dawnin a lang a, kan sawrkar pawhin a bei nasa tih chu kan hria. Amaherawhchu vehicle-in-charge pakhat.

Tin, Chhimtuipui lam saw Lunglei atanga hlan chhawn leh a ngei a, chumi a tan te chuan Lawngtlai ah emaw in-charge tha tawk dah leh nise, ka duh a. Tun thal chung ngei hlan Lawngtlai ah Buhfai tam tawk chhak a ngei ang. Vehicle lam a awm loh avangin tun tumah pawh hlan kan thian thekhat te phei chu ke-in an lo kal ngat ngat mai a ni.

Tin, Lunglei atanga Demagiri leh Lunglei atanga Lawngtlai ah tal sawn Bus Service tha tawk dah ve ngei ni se, thla lai ngei a hemi hi kan neih chuan mipui tan a zangkhai hle ang.

Tin, thil dang - Rangva leh Cement Lunglei District leh Chhimtuipui District quota tur hi a rang thei ang bera min rawn tih sak ngei ka duh a. Tin, Contract pawh District chhunga mite ngei duhsak-in tih ni baw se.

PU J. THANGHUAMA: Pu Speaker, vawiih ah hlan Misc. Demand 13-na kan ngaihtuah a, Demand 13-na atan hlan paw-sa tam tak kan han ngaihtuah dawn chu a ni a. Tun kan budget ah hlan kan han thir ve in Economic Statistic lam hi ka hmu mang lova. Lo awm palh a nih pawhin, a awm lo a ni mai sela, ka han sawi hmasak ber ka duh chu Director in L.D.A te, U.D.A. te leh Office Staff hrang hrang tan Advertisement a chhuah a, mahse chu mi sen so tur chu Budget ah hlan a lang si lo. Hei hi engtizia nge ni chu le?.

Tin, corruption awm duhna pakhat chu Supply leh Transport in awm pawh hi a ni duh viau va, tun tum pawisa sen ral tur cheng maktaduai 13 laiah hlan he thil hi awm hrang ngei sela, Account lamte a hlan a an awm chuan thil chhui fel pawh a awlsam dawn a ni.

Tin, Supply chetna turah hlan a che lo hle mai baw a, A.O. te leh Officer dangte hlan an kawl fir fer ang lawi si. Supply motor a chet loh chuan Private Motor te takin rawih (hire) a lo tul ta a. Khaw hnaite Serchhip mel 40 lekah pawh Quintal ah Rs.40/- in an phur duh a, a to viau in a lang tawh a, mahse kan rate therah chuan Rs.100/- chuang in an ti ta daih mai a ni. Hei hi corruption ti tu chu an ni ber lawm ni? Hriat chhuah nise charge pawh ka chak hle mai.

Tin, Chekawn a buhfai phurh man pawh kawng dik taka kal lovin Vanlaiphai kawng lama kal kual vak angin an lo Bill thin a. Hengte hi hriat chhuah theih a nih chuan charge corruption pawh ka duh hial a ni. A reng rengin Supply Motor te hi duty a an awmin, an chhe zing lutuk a, Mipuite harsatna sut kiang sak aian harsatna an belchhah sak zawk a, mipui te tilungnagitu mai an ni zawk a ni.

Tun maiah buhfai phurh leh tur an rawn ti leh dawn a, buhfai be leh riral a tam loh ang tih a hlauhawm hle mai. Muai 5 sen turah nuai 15 emaw lai kan seng leh ang a, hengte hi a chhan chu supply lamfel tawk loh vang a ni ber mai.

Tin, Aizawl lo thlengte hi khawi khawiah emaw a ...
... a buhfai

Tin, buhfai quintal 100 engemaw zat lo thlong hi thingtlang khua Chhingchhip te, Baktawng ah te an dah chhe leh mai mai a, a chhiat hnuah an lilem a, chu chu Aizawl ah an rawn zuar leh a, chutiang chuan a kal kual vel mai mai thin a. Thingtlang khua a buhfai la anga an signed tirte ngei la lo tam tak an awm thin a. Tuna Aizawl a buhfai quintal 500 awm leh hmun danga buhfai la awm te hi thin tlang lam unau, buh ei nei lote hnenah sem vat nise, hei hi kan Minister zahawm takte hian min hriat pui ngei turin ka ngon duh a ni.

PU CH.SAPRAWIGA: Pu Speaker, he mi Demand thu hi a pawimawn viau va, pawisa pawh hi a tamna ber emaw ka ti hial a. Opposition Leader khan maktaduai thum ni vek khan a han sawi a. Kei chuan hei ni a hre sual em ni aw ka l ti a. Kan Mizo number chhiar danin vaibelchhia (Momberten a hriat sual a ni an loti a).

Engpawh nise, figure lianpui niin ka hria a. 1971-72 khan maktaduai 3.7 a rak tawh a. Chung chu motor lei nan leh a enkawl nante a ni a. Hei hi ngaihtuah ngun hle a tul in ka hria. Heti em ema pawisa Department khata sen hi a lutukin ka hria. Assam sorkar in a tih dan a nih pawhin tunah hi chuan sawrkar hran kan nih ang deuh hian en ngon leh zuar a tul a ni. A sensona ber hi kal man lam niin a lang a. Hebia motor tam tak chhawr chung hian Contractor lak a tam nghal si, chungte chuan Sialhawk leh hmun thenkhat hla tak tak thlong in an phur a. Head-load rate in an phurh si chuan a senso chu tam lo rual a ni lovang. Amaherawhchu chuti taka Contractor te phurh man chuti taka a te chung pawh chuan Department in an thawh ai chuan a la tha zawk mahin ka la ring ta hial a. Department mite ai chuan Contractor te hi an phur zawk a. Contractor motor pakhat hian Department ta pali a hon thei awm e. Chuvangin Department in Motor tam tak a neih a, a enkawl na te nena a senso teuh ai hi chuan chung Contractor te chu kan hman thiam chuan senso a ncp zawk mai theiin a rinawm.

Department hian Workshop te, Mechanic te leh an engemaw hi an noi ve a. Hetiang a an han khawsa hi chu ei rukna kawng a lo in hawng zur dai hian a hriat a. Nichina ber sawi ang khan tun hi hi chuan corruption a leh te pawh a tha in a rinawm. Amaherawhchu a pum hian a chhe reng reng a; chuvangin kan em ngun a ngai khawp mai. Hnathawktu ber Driver te hian ~~ku~~ tu thingtum te emaw an han phur haw a, chungte pawh chu sawrkar phal leh a ruk a ti an nih an in hre ta lo reng reng em ni tih tlak a ni a. Chungte chuan Transport Wing pum pui hi a chhe hrim hrim tih a ti lang Chiang hle. Hetianga Private thil an phurh sek chang lo pawh hi fel lohna sawi tur a tam ang. Chutiang thil dik lo chu tihbo a tul hle a, mahse a bo mai thei si lo. Engpawhnise, a Organisation pumpui hi chhui ngun a tul ni borin a lang. A rang thei anga corruption a leh chu thain ka hria a. Hei hi kan hotute ka han chah ve duh a ni.

PU VANLALHRUAIA: Pu Speaker, Demand No.13-na hi a pawimawn hle in a rinawm a, a lan danin Supply and Transport hi sawi a ni deuh ber a. Deputy Commissioner hnena a awm hi a fuh lo ber awm e, ka ti a. Kan ram tam enkawl turin D.C. Transport hi a hlawhchham ber niin ka ngai

Tuna kan sawrkar in Private Contract a siam hi thil tha ber a niin ka ngai a. D.C. hnuaiia Transport a awm erawh hi chu kei tha ka ti lo a ni.

Hei ang a D.C. hnuaiia Tam buhpurh kan dah reng chuan kan tam a zual tial tial dawn a, Tuichangral te phei chu ngaihtuah-awm tak an ni ang.

Chuvangin tuna kan tih ang D.C. hnuaiia Transport Wing hi chu kan tih tawp nghal loh pawhin Jeep hi chu tih tawp thain ka hria a. Motor lian erawh chu Silchar kawngah te hman ni sela.

Transport atan hian motor tam tak tangka sengin an lei a, Driver leh Handymen a lo tul a, an thlatin hlawh leh a motor maintain na nen. An phurh tawh zawng zawng chhut ta ila tuna Quintal khata k.m. a Rs. 1.25 a Contract rate a in a sang zawk vek in ka ring a. Chuvangin sawrkar in quintal khat a k.m. a Rs. 1.25 hisapa Contract a pe hi a thil tih a zawngah a la tihfuh ber pawl a ni hial awm e.

Hei bakah hian hetiang contracta an tih ang hian Contractor te chuan phurh tam l'h an hlau va theih tawp an chhuah a, kan tam pawhin a ziaawm phah hle a, buh phurh nan a sawrkar pawisa sen chu kei mahni Mizo te kutah ngei a lut leh nghal a, hetiang tihna chang sawrkar in a hria hi a lawm-awm ka ti ngawt mai.

Awle, sawi tam pawh ka tum lova, D.C. Transport hi chu ka sawi tawh angin tih tawp hrat hrat kan tum ang a, Civil hnenah hna hi pe tam ve tial tial ila kan tam enkawl na a kan tangka sen zozai te hi Mizo kuta a juh tam theihna ber tur kan ngaihtuah hi ka duh a ni.

Tin, Air Dropping hi han sawi leh lawk ila, motor kal theih lohna hmunah thlawhna in buhfai thlak a ni a, Supply lam Department chuan tla tha hlein an sawi a. Tun thla Pawh khan Group Centre pakhatat Quintal 200 te thlak in an sawi a, hetiang anga an sawina ngei ka bialah te chuan ka han zawt a an sawi ang chanve te chauh a tla si a, hei hi ngun deuh zawka endik ah pawh a tha hle.

Mipui tam enkawl nan asenso thu erawh chu kan mipui ten ei tur an neih theihna tur anih dawn phawt chuan engzat pawh senso kan huam mai tur a ni ang. Senso tur a awm phawt chuan tih hi ka ngaihdan a ni. Chuvangin senso tam lam thuah hi chuan ngaihtuah vak^o ila kan miten ei tur an nei em tih hi i ngaihtuah zawk teh ang u.

SEAKER: Kan sawi sei viau zel mai a. Hunin min daih lo mai dawn a. Minister lam te pawhin an la sawi lova, chuvangin mi dang chuan sawi tawh lo ila, Minister lam ko tawh mai ila.

PU R. THANGLIANA, MINISTER: Pu Speaker, kan Member zahawm tak te thu sawi kha a dik na tam tak a awm a, a tlangpui thuin Supply and Transport hnathawh min x rawn fak der a, a lawmawm hle a. Kan budget nan en hian Member zahawm tak ten

Tin, a dinhmun a tha tawh lo tih chu kan Member zahawm tak ten an sawi fova, mahse a hrana dah lova, hmun khata la khung rih hian thatna tam tak a nei ve a. Thawh hova tanrual a remchang bik a, Co-ordination a awm zawk avangin hna pawh a chak nge nge lo thei lova, thil tih a awlsam zawk thin a ni. Tin, Account lamah phei chuan dah hran an ni a. Office hmunpui chu Silchar ahte Calcutta ah te leh Aizawl ah te dah a ni dawn a. Lunglei lamah pawh a tul chuan Deputy Director hnuaia nghah a ni zel ang. Hotianga hmun hrang hranga nghah hian Mizote tan awlsamna leh kan MLA te tana thil awlsamna a ni zel dawn a ni.

Tin, Chhintuipui lam a chhekna man te a supply department in a man a pek zel chuan Bungraw man a sang lutuk dawn a, chuvangin Supply lamin a phurh chu tum mahse, Central lamin a ruh chu an tum hlahh thung dawn a ni.

Tin, chhim lam hmun kilkhawr deuhva Officer leh staff dah te an te lutuk tihna a awm a, hei hi a remchang ang anga staff dah tum a ni a. He thil hi hmun tinah in ang thlapa dah fel a harsa rih pawh a ni mai thei a; tin, tamnate hi hoti tak hian tawh lo ila chu, he Department hi kawng dang tulah pawh chhawrna awm thei tur a ni a, engpawhnise, a ram pum huap a District Head a piang a a hran paa dah hi tum a ni rih lova, D.C. hnuaiah la dah rih phawt tum a ni a. Department lian pui va dah hi a tul vak rihin a lang lo. A.D.C. a buaipui bik tu dah rih chu a tha tawkin a lang rih a ni.

Tin, kan Member zahawm tak ten Driver in nei tlam an ti a, a dik viau va ni. Motor lam hi duh ang thlapin kan la maintain thei lova, chuvangin Driver lam pawh hi lak luh vak tumna a awm lem rih lo a ni. Zawi zawi in la tih phuisui chhoh zel tum a ni a, tuna kan la neih daih loh tak tak, Mechanic te Car Washer te hi kan la neih belh chho zel ang a, chutih hunah chuan Running Work te pawh a la tha chho zel ang chu.

Tin, Coppuction thu hi sawi fo leh tun kan budget ngeiah pawh hian sawi rik a ni fova, Village Council lam te pawh hi an bang chuang lova. Buai hnu hian he thil hi a zual kai ta niin a lang. A.O. te leh Officer dang dangte pawh Sipai karah chek tak leh thil tih harsa tak hnuaiah an awm a, hmi lai denchhen hian corruption pawh hi a pung zual niin a lang. Kan sorakar thar pawh hian a ngai pawimawh in tih reh a tum hle a, buaina a ziaawm chho zel ang a, hei pawh hi reh hun a la awm thuai ngeiin beisei ila ~~xxx~~ a tha ang a.

Tin, Corruption lamte pawh hi sawi fo a ni a. Chutiang a tan chuan Motor te ngaihtuah zel tum a ni. Transport ah khan pawisa lam duh angin a thahnem thei lova, Bus te chu (Mini Bus) pawh pahnih chauh kan nei thei a nih kha. Tunah erawh chuan tam zawka ruahman chhoh zel a ni a.

Tin, Contract lam hi sawi fo a ni bawh a. Thil rate siam hi Pu Rawnga hun lai pawh Khan Rs.2.50 hi a hniam ber chhanna a ni a. Thenzawl kawngah sawn 1 k.m. ah 50P in an chhang thung a, a in thlau hle a ni. Tender hi loh that leh nise tih a ni thin a, mahse tamna te, buaina te in min lo nang chho ta zel a, chutih lain Aizawl ah Buhfai 40Kgs vel lek

Tin, Head-load (chhipa phurh) man hi mel 20 ah Rs.5/- vel pek a nibawk. Engpawhnise, Kawng hrang hranga thil dik lo awm sawi te kha, a dik a, thil han report reng rengte hi Official taka tih a nih loh chuan hriat dik te hi a lo harsa a, khilai Champhai lam incident phel chu Private thilte a lo ni a, Police case tur a ni mah zawk a, Police lamte hi duh angin an in daih lo gerih a ni.

Tin, Transport lam hi kawng hrang hrangah a tangkai na a tam thei viau va, Emergency ah phel chuan tangkai thei tak an ni a. Supply lam nen hian sawi pawh loh theih pawh an ni lova. Tin, Air dropping lamte hi kan han be nual thin na-in thil tih fel mai theih a lo ri thin lova, a reng reng in air dropping ah hian corruption a tam duh viau vin a lang a, thil tha vak a ni lo thei bawk a. Kuminah pawh hian kum dang aian Ton tam zawk, Ton 45000 emaw lai rawn thlak an tum a, hei hi lo beisei theih chu a ri na in, thal chhunga an tih vat vat loh chuan Fur in a rawn nang buai ang a, thil theih loh a lo ni leh mai dawn tihna a lo ni a.

Tin, senso lam chu a senso tur pawisa a awm phawt chuan tih ngei tur a ni a. Nichina Pu Vanlalhruaia sawi ang Khan dikna lai tak a awm reng a, a senso tur han ruahman zawh tawh chuan a thawh chhoh zel phawt chu kan tin tur a ni rih phawt mai a ni.

SPEAKER: Awle, tunah Demand No. 13-na Misc. Department atana Rs. 39,23,510/- hi remti apiangin Aye ti rawh ule, (Member ten 'Aye' an ti a) Remti lo in awm chuan No ti ula (Member te an ngawi a) Awle, kan passed anih chu Tunah Demand No. 23-na Famine Relief and Pension han move leh sela.

PU CH. CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for grant No. 23 for Rs.63,58,000/- for the services on Famine Relief and payment of Pension & other Retirement Benefits in the Central Administration Department and Finance Department.

PU J. THANGHUAMA: Pu Speaker, Hei Demand No.23-na kan phel dawn ta a. Kan pass tur chu Rs.63,58,000/- a ni a. G.R. atan Rs.1650.00, T.R. atan Rs.1350.00 Tin, E.G.S. atan Rs.5000.00, Natural Calamities atan Rs.190.00 a ni hlawn a. Heta palina hi, hei khaw khen avangin buh tan tak a thi leh ta a ni a. Chu bakah rawh kangmei tuara tanpui ngai leh thil dang avanga tanpui ngai lrim hrim te an awm leh lo thei lo vang a, chu vang chuan ka duh tawh lo hle a. Tin, EGS hi tunah pawh awm a lo awm niin a lang a, chuvangin a tam lutuk a ni mai thei. Tin, a tlangpui thuin hla deuh leh kilkhawr deuh te, a bikin khaw chhak lamte khi tih fel leh hming hmerh nei lova hlamchhiah an ni reng hi engnge a chhan?

Tin, ka bial chung khawhai ah khian EGS a an laih tir tawh sa tun thlengin a hlawn hmu lo te an la awm a. Hei hi sawrkarin hriat ni se ka duh a ni.

Tin, T.R. ah hian Rs.5/- hi nitin mi pakhat hlawh rate pangngai thin a ni a, hei hi sawi fo a ni a. Tun lain rate thar ang reng Rs.2/- hlawh tur tihte a awm a, Rs.2/- hi an hlawh duh ang em tih hi sawi tham tak a ni. Tin, thingtlang hmun thenkhat ah hian hlawhte hi a inang lo zung mai a - Hmun thenkhatah cian Kgs 3½ te, 3Kgs. te an hlawh a. Chu chu a la sitawm em em lo va. Sialhawk A.O. erawh chuan ni khatah buhfai Alu tin khat chauh mai a hlawh tir thin a. Hmun thenkhatah Kg 3 te 3½ te an hlawh theih lain Sialhawk A.O. in Kg chanve lek a lo hlawh tir bik hi T.R. theuh theuh engtzia nge? Chu chu mak ti em em in ka han zin lai Khan ka sawi a. Thupe thei ka ni si lo. Chu chu tuna Session zawh veleh atang hian hotuten thupek ngei ngei tum turin ka ngen a ni.

Hei kan ram Officer te hi an mahni chungchang kan ngaihtuah pawhin tuman hei an han ngaithla duh hlek si lo. Hetianga an lo lan loh thin chuan he House ah hian eng phiar in sawi mah ila awmzia a nei thei hlek dawn lo a ni a. Department Head (Officer) te hi heta kan session chung hi chuan thil dang te ti lovin an ngaithla vek turah ka ngai a ni.

Tin, T.R. hi tha taka hman leh tih pun tum ni se, chu bakah ci puk lam hi tih thar leh ngei ngei ni se tih ka han ngen bawh a ni.

PU R.ZOLIANA: Pu Speaker, kan budget Bomard No.23-na ah hian tlem sawi ve ka duh a, hei maktaduai puk zet - pheh li lai ah then a ni a, kan hman tawh chu nuai 9 lai a ni a. Test Relief hi nuai 4 leh sing 5 vel a ni a. Nichina Opposition Leader in a sawi angin Natural Calamities hi ram pumpuin kan tuar lo ang tih a sawi theih loh. Kang-me, thli chhia leh Ramsa etc. ah te hian tamna leh rethehna a awm lo ang tih theih mai a ni lo.

Hami kan Budget ah hian Department then thenah chuan hman zawh loh a awm ang tih ka hlea a, kawng lain non te leh eng eng emaw kan tamna atana min chhawk thei thilah hian sawh then ka duh a. Thlawhka thua Sanghal leh Buh ti chhe theitu alo awm thei a, chung atan chuan Natural Calamities atan hian reserve awm ngei se ka duh a ni.

PU LALSANGZUALA: Pu Speaker, he Famine Relief - figure han en hian a lawm awm viau in a lang na a, kan ram dinhmun chhiar zia a tilang chiangin, zahthlak thei rum rum zawkin a lang a. Welfare lamte non hian tih pawh kawp hial thain ka hria a. Corruption hi engvanga tam em em nge kan tih chuan loh theih lohna in min nang chho a ni ti ila a dik thei viau mai awm e. Nula che khawlo te, Zu thu te leh kutdawh thu te pawh hi kan en ila, an mahni mimal سوالنا vang ngawt chu a nih theih lohna lai a awm ve a. A zawng a za chuan an ni tihna ni chuang lovin, hersatna in min tlak buak nasat lutuk vangah puh loh theih niin ka hre lo.

Tin, EGS hnapek dan hi tha la ti lova, a tum a theih daihin a lang. hei hi kan Prime Minister leh midange pawhin sawi hoin an lo ngaihtuah tawh a, he thil hi a awmia ni ber awma lang chu hna hmu lo te hna siam saka, ci zawn ve na siam sak ni berin a lang. Chuvangin EGS hi kan sawrkar in Contract Basis a pek a tum anih si chuan P.W.D. sh hian bet low law sela a tha zawkin a awn mah mah zawk ang Khilai Ngopa khua ah te khian EGS pawisa in Motor kawng loih na a awm a, a chan ve vel awm chu contract in Village Council an pe a, a dang chu V/C member pakhat an pe a, Jeep a kal thei tawh em tih arawh chu ka hia chiang chiah lo va. Contractor te chuan an duh duh an chhawr a, Rs. 8/- an nitin hlawh ah an siam sak a, hna arawh chu an thawk chau hle in a lang. Lawnglah te chu hmun thankuat ah phci chuan a phiah in an phiat fai zet chawh niawm a hriat a ni. Chuvangin helai chungchang thu hi fel tawk ka ti lova, kan mi zahawm tak Chief Minister te hian Action la ngei se ka duh a ni.

Tin, Relief lama kan pawisa indaih lo lutuk pawh hi zah thlak zawk hlein ka hria a. Member zahawm tak te hnena ka ngen duh chu Chief Minister Relief Fund hi siam nise chumi chuan Managing Board nei se. Tin, chu fund ah chuan Minister leh M.L.A. ten an hlawh atangin za zela sawm (10%) pe se. Sawrkar hnathawk ten an hlawh atangin za a pakhat pe se. Chumi bakah a tul a tul dan ang zelin kan mihaus a te hnen atangin khawn zel ni bawk sela, tichuan mi mangangte thui takin kan tanpui thei zawk ang.

PU CH.SAPRAWNGA: Pu Speaker, hei Relief chungchang kan sawi a, a pawimawh viau va. A hmasa berin ka sawi duh chu kan tam hi a chronic a ni ta ber a. Kan ram a lo buai a, min han zim khawm vel a, chuvang chuan thlawh hma nei hleih theih lohin min ti tam a. Tin, chu buai chu a lo nel ta deuh va, nikum lam te khan kan tam a zinawm deuh dawn emaw kan ti a. Mahse Cyclone avangin kan chhe leh a. Tin kumin lam pawh hian a ram pum hmun thum a taena hmun hnih ei tur chu thar thei hialin kan han in beisei leh a, mahse buh a lo ro ze leh ta. Chu vang chuan ka bei te hi a dawng rum rum mai a. Pathianin kan tam rih hi a remti krim krim a ni ang e ti tein ka ngaihtuah a. Tin, awakhawm ho pa tam tak pawhin kan soal em a, Pathianin min hrem rih a nih dawn hi ti tein sawi ho a ni fo. Mahse kan soal kan tih hian mahni kan insawi bang fo thin. Kan soal tihah hian intelh ila chu a zia pawh a awm ka ring.

Kumin pawh hian kan tam leh nasa dawnin a lang a. Thil tih leh mamawh apiang chu a sawi lawk vek theih loh ang a. Thil hriat tul pawimawh tak nia ka hriat chu khu, khawthlang lamah te, hmar lamah te ~~xxxx~~ sawn, Tai an ching a chu chu miton an thatpui hle in a hriat a. Chung chu thli chhia ~~ix~~ leh khawkheng pawhin a tih chhiat hmain a thar hman si a, tam a tinep em em a. Chuvangin Tai uar tur hian infuih ila. Hei hi Agriculture Department lam tih tur nin a lang a, an ni hian en bei emaw ka hre lo. Engpawh nise Tai chu popularise a tul hle a ni. Chuvangin tuna

Tin, kumin hian kan tar chiang daw: hle a. Report pawh a hma thei ang bera pe turin siamtir ni sela. Chumi thu chu sawrkar in ngaipawimawh in dil sak thuai ni sela. Engpawhnise Relief lam hi muanna chu a ni lova, a theih ang anga hman kan ngaihtuah tur a ni.

Chung bei velnaah chuan Air dropping lam hi chu tihtawp ila, kan la hmang a nih pawhin sipai lam Air Force chu hmang tawh lo tawp ila. Private Air Lines ngei hman tum a tui ang. Chutilova sipai lam Air hman zawng thu neih tum thei apui an tam a, thil a hmanmawh thei lo thin. Chuvangin Air hman dawn rau rau chuan Private Company Air ngei hman ni se. Hetiang hi ram buai lai pawhin tibuaitu hna pawh hian a hman theih ang.

Engpawhnise chung thlawhtheihna lam chu rinchhan mai lovin thal chung hian a thlen theihna chin chingh chuan Motor in chhek vak mai ila. Chu chu a thlen theih ve lohna ah chuan Head-load in lo la mai so a tha zawk. Ka bial lam mi thenkhat phei chuan head-load a lak hi duh zawk an awm. Head.load a an phurb a, a phurb man an hlawh leh khan a thlawn dewh thawa la thei ang lai an ni a, chu chu tha an ti viau.

Tunah hian ka duh dan chuan Air dropping lama tih tum chu bansan tur niin ka hria. A sure lo riau va, a buaithlak thu nei thei apui an tam lutuk.

PU J.THANGHUA: Pu Speaker, point of information - Hei Tang chhuak hovin kawng an zawh a, Chief Minister hmuh an duh a. Kan Chief Minister chu a lo chhuak thei mai lawm ni. Treasury bulah an awm nghuk mai.

SPEAKER: Awie, hun a awm tawh lova, mi dangin sawi tawh lovin Chief Minister in han sawi lawh sela.

PU CH.CHUNGA,

CHIEF MINISTER: Pu Speaker, tunah hian Tang chhuak kawngzawh in min hmuh an tum a ni awm a, chu chu ka lo hre lem lova, engpawhnise tunah thu sawina hun ka nei chiah si a, hun dangah min hmi zawk ang a.

Kan sawi tawh angin tam thu leh harsatna kawng dang dang kan tawh chho mek zel a, chutiang kara, mipuite tanpui chhoh dan tur kawng kan sawi hlawn a. Kan Member zahawm tak ten an sawi hi a tha hle hlawn a. Kan Member zahawm tak te rawn sawi ang khan, kan ram tamna leh retiehina hi a ril-in a nasa lutuk tawh a, a pumpelh dan kan zawn hi a tul tawh a. Kan Member zahawm tak Pu Saprawnga sawi ang khan kawng engemaw tal kan sawn hi a tul reng a. Tuna kan ngaihtuan hi chutianga tamna pumpelhna chu engtingge kan hmuh chhuah ang tih a ni zawk a. Agriculture lamah te pawh hetiang hi an ngaihtuah zel ang a.

Tin, Tam avanga thil dik lo tak tak tihte pawh chu thil awm thei tak a ni ve a, Sialhawklam mite thil tih dan member thenkhatte sawi anga A.O. in nikhat hlawn

He House chung ngeiah pawh hian member ten kan duh lohzia kan sawi lang chiang hle a, member zahawm tak ten kan bial te theuh kan fan ngun a, kan enfel hi kan mawh a ni a. Bial pawh a zau lutuk lo hawk a, mipuite hnena harsatna thlen loh hram hi kan tum ni ngai theuh sela, tin, heng thu lo chhuah chhan pawh hi Member te induhthawhna vanga sawi niin a lang nghe nghe a.

Tin, T.R. te hi uar vak chu niin a lang loh lova. Hna hi a chhia in, in thlawhdanna a tipung a, sawrkar tan hautakna mai chauh niin hriat a ni a. Engpawhnise, heng thil hi kan rilru ah kan than hram tawh pawh a ni mai thei a, vawi leh khata han tih danglam rup chh a thil awlai a ni lo a nih pawhin, mipuite T.R. hnauia thawkte hi fuh that a, tan lak a, zirtir an ngai a. Zawi zawia tih reh chhoh zel chu tum tlat a ni.

Tin, E.C.Scheme a Ngopa chungchangte pawh ngaihtuah zel tum a ni a. kawng an han laih hian a tir in ft. 8 a zavin an lai a, chutah ft.10 toin an zauh leh a, chutiang chuan vawi khat a ti ngai mai lovin vawi 2 vai 3 te an lai nawn thin a, chuvangin kawng pangngai laihna turin vawi 2 vawi 3 lai pawisa an pa tain reng a ni. Hengte hi kan hriat tlan atan ka duh a ni.

Tin, tun kan Budget duh tawh loh zia chu kan sawi nasa hlawn viau a, thingtiang lam mite tan tanpuina pawh tlen hlein kan hre hlawn a ni mai thei. Kumin September thla atang chuan intanpui ngai pawh kan tlen duh beisei na liaa tak a awm a, mahse hei tunah khua a kheng a, buh te a ro viau niin a lang a. In tanpui a ngai dawn viau in a lang loh tan ta a. Kuminah hetiang a nih chuan, nakum lam chu a huphurh awm viau mai dawn a. Tanpui ngai lova awm chu thil harsa a ni a, mahse tanpui ngaih zual riau hun a kan din pawhin kawng eng eng amaw chuan in ngaihtuah zel a ni ang a. T.R. lante E.G.S. lam atan te pawhin in tanpui dan ngaihtuah loh theih a ni dawn lova. Engpawhnise, hetiang manganna (Calamity) thu hi chu loh theih lova in tanpui turah dah phawt tur a ni ang a.

Tin, tanpuina hi a pawisa fai liau liau va in pol chuan eng tham vak a tling duh lo khawp mai a, thil tha berah chuan ngah tur a ni lovang a.

Tin, ka thu tawp nan, kan Member zahawm takte hian Demand 23-na hi min pawmpui ngai turin ka ngen duh a ni.

SPEAKER: Demand No.23-na atan a Rs.63,58,000/- hi remti apiangin 'Eye' ti rawh u. (Member ten 'Eye' an ti a) Remti lovin 'No' ti ula (Member te an ngai a) kan passed a nih chu.

Tunah Demand No.34-na kan la loh ang a, Minister in-charge in han move sela.

PU R.THANGLIANA, MINISTER: Mr Speaker Sir, On the recommendation of the Administrator of Mizoram, and with your permission Sir, I move the Demand for Grant No. 34 for Rs.3,68,01,000/- for meeting the

PU LALSANGZUALA: Pu Speaker, State Trading leh Supply Department Administration hi Establishment khat hnuasia dah khawm hi a dik lo viauin ka hria a, Assam ah khat hetiang hi an ti thin a, hsi hi fol lo hlein ka hria. Session hmasa khat Mizoram sundawna leh thil chin te kan hralh tixet theih dan tur hmang sawiin State Trading Corporation of Mizoram din rawtna ka nei tawh a. Mahse min pawmpui lo niin ka ring. Chutiang chu tunah pawh ka la ngen leh fo a ni.

SPEAKER: Sawi tur nei kan awm teh chianin a rinawm lova, Minister in sawi mai sela.

PU R.THANGLIANA, MINISTER: Pu Speaker, Member ten awlsam takin min pass pui mai dawn niin a lang a, a lawmawm a. Sawi vek hnu a ni e, kan tih angin a tul chuan tiha, zau taka tih a ngai a. Tunah tak phoi chuan A.O. atan chuan Gram Sevak te pawh rin theih zel a ni a. Tin, supply han tih hian zau tak a ni a. Chini hi kan harsa hle a, U.T. kan neih hlim te obei kha chuan Kg khat ah Rs. 8/- a tling hial a ni awm e. Tunah cawh chuan kan ramir Quota kan nei ta a. a ziaawm hret hret zel ang a. Chini hi a man a inang lo deuh vek a, State tin ah hian a dang a, Mill tinah te hian a rate a dang a. Tunah chuan kan hmu. thei rong tawh dawnin a lang.

Tin, Cement hi a harsa hle rong mai a. Mizoram hi Private a inghat thin a ni a. Tunah chuan Cherrapunji ateng in kan zuk la ta a, a kal man a tam hle mai a, Rs. 15/- a ngai tlat a, Mizawl a lo thlen nan Rs. 27.55 in a-lo thlong thei cheh a ni. Tichuan hetah Rs.30/- velin a hralh theih ta a ni.

Tin, C.I.Sheet hi a to ta hrim hrim a feet 9 phoi hi Rs. 46/- velin Gauhati ah kan lei a ni. Bundle ah Rs.326/- velin kan lei ringawt mai a ni. Hetiang a a to takna chhan hi zawh fiah mek a ni.

Tin, Supply buhfai thil ah sawi tur in hre hle-in ka ring a, Air dropping ah te a be a kim lo tihte a tam a. Heng hi U.T. hma a Contract a pek a ni a. M.K.Guha in a Contract a ni a, a chhang hniau ber pek a ni thin a, mahse Mizo zingah tumah chhangtu an awm lo. Tin, Mizawl ah loh Lunglei ah Godown tha tawh F.C.I. in Quintal 35000 lai dah theihna lai tur neih an tum a. Tunah chuan Thawh tan theih a ni tep ang.

Awle, engmah teh chian thil dang a awm lova. Lungrual taka min pass pui theih ka ring a ni.

SPEAKER: Awle, tunah Demand No.34-na hi a remti apiangin 'Aye' ti ula (Member ten 'Aye' and ti a) A rem ti lo in 'No' ti ula. (Member te an ngawi a) Kan Passed a nih chu.

Kan chawl tawh ang a, Chawhnu dar 2.00 ah kan tan leh ang.

2 P.M.

SPEAKER: Demand No.10--na Administration of Justice kanti hmasa ang a, Minister concerned in han tan sela.

PU VAIVENGA, MINISTER: Mr Speaker Sir, On the recommendation of the Administrator of Mizoram, and with your permission Sir, I move the Demand for Grant No.10 for Rs. 2,63,650/- for meeting the expenses on Administration of Justice in the Law & Judicial Department.

PU LALSANGZUALA: Pu Speaker, he ni budget a Administration of Justice tih hi District Council a kan Court neih thin kha ni awrin ka hria a. Tan danin Administration pangngai a Court Magistrate pangngai kha kan sawrkar chuan a la nei tho dawn niin a lang a. He ni Court ~~ni~~ ~~ni~~ hrampa Mizoram sawrkar in a nei hi thil tul niin a lang lova. British hun en pawhin Administration a Officer pangngai ten Court lam nei an kwp thei vek tho va. Chu bekah hotiang disqualified Magistrate nei hi thil fel lo tak injustice siamtu a ni duh viau ni.

Tin, District Council-in Court a lo siam, tuna Zoram sawrkar in a chhawn zel hi thil tul niin ka hre lova. Chu chu a hnathawktute hi bang nei se ka tihna a ni lova. An thawh theih tur chi, Department dangah rawh tho tur an ni a. A thu hrimin District Council in Court kan nei kha a that lohna chu - e.g. mi pakhatin in hmun mi han zawrh a. Chu mi chuan a pass certified copy Court atangin a han siam tir a. Chu chu Court lama kengin ka va en a, Office Copy nen chuan a lo inang hlek lo mai a. "Engtizia ngo?" tia ka han zawh chuan kan lo ti to mai a ni" tiin nen chhang ngawt mai a. Chungte chu thil awzia a ni a. Chuvangin heng (thawktute leh) Court hi har retain dawn a nih pawhin a hna tal hi qualified mi in thawh hre thei se. ~~Law~~ Law lam hriatna tak tak nei lo min Court a hnathawh chu thil fel a ni thei lo reng reng.

Tin, an Budget han sawh ah hian Contingency hi a tam hle lehngal a, hengte pawh hi hotiazai zawng tulin ka ring lo. Chuvangin tunhma a District Council Court awmsa, a nih ang ngai ngai ngawt a chhawa leh zel hi a tulna awmin ka hre lo.

PU VAIVENGA, MINISTER: Pu Speaker, vawlin a kan han move, Administration of Justice hi a pawimawh hle a. Zoram hi Mizo sawrkar (U.T.) a lo nih dawn khan kan hlawh ber pakhat chu Mizo Dan (Custom) in Court kan nei lo vang tih a ni a. Kan tawng hmag lova, tawng dangah Court a thu kan sawi chuan, thu sawi a harsa in duh angin thu kan sawi thei dawn lova. Pu/Pu atanga ro kan lo in rel chhih zelna kan dan (Custom) dangah leh Zotawng ngei a thubuai sawina Sub-Court te Village Council Court te a awm hi a tha a, ka han move a ni a.

Tin, Justice a awm lo tia member then khatin

SPEAKER: Demand No.10-na remti apiangin Aye ti rawh ule,
(Member ten Aye an ti a) a remti lovin No ti ulah
(Member te an ngawi a) Kan passed a nih chu.

Tunah kan tih leh tur ni chu Chief Minister
chanpual a ni a. Tang chhuak ho khan bikna an neih avangin,
hei a lo kal hman rih lo a ni a, chuvangin meeting kan
adjourned mai leh chuan a tih theih leh ang a.

PU R.ZOLIANA) Pu Speaker, a tih theih tho mai dawn lawm ni?.

PU ZAIWMA: Pu Speaker, Charge pek tal a neih loh
chuan a tih theih dawn em ni?.

SPEAKER: A han sawi lang hmasatu leh zawhna chhangtu ber tur
a awm loh chuan, mi dang hnenah pawh charge lo hlan
teh reng ni se, chung miten chiang lo take an chhan chu thil
fel a ni lo vang a. Tin, hong thil, mi mal chanpual bik
thil hi an mahni a chhangtu a te awm lova lo ngaihtuah mai
chu dan pawhin a phal lo a ni. (Chutiin an sawi vel lai chuan
Chief Minister chu hmanhmawh takin a lo lut leh thei ta a).

Tunah Hon'ble Chief Minister pawh a awm tawh a,
Demand No.8-na kha han move nghal se.

PU CH. CHHUNGA,

CHIEF MINISTER: Mr Speaker Sir, on the recommendation of
the Administrator of Mizoram, and with your
permission Sir, I move the Demand for Grant No.8 for
Rs. 9,55,050/- for meeting the expenses of Legislative
Assembly and Election in the Election Department.

SPEAKER: Awle, hei hi Parliamentary/State Legislature
chungchang a ni a. ran zangah chuan hei hi an
hmang vak lova, Department hranote move tel tur niawm takin
a lang a, hmi thu a sawi duh nei ta awm chuan han sawi ula.

PU CH. SAPRAWNGA: Pu Speaker, Electoral Roll buatsaih na ah
hian a defective ala mai a. buatsaih anih
leh hma a an rawn en atan a pawinawh in la hria a. Inthlanna
ah hian mipuite an lungawi loh hi pawh tak a ni a. Tun hma
deuh a, Electoral Roll an buatsaih Khan Enumerator te an
tir chhuak a, hmaih tam tak a awm a, Mizawl Khawpui chung
ah te pawh hmaih tam tak a awm chuan a. Thingtlang lamahte
phoi chuan a tam em em thin a. Electoral Roll ah hian sawi
selna hun man chawia lovin an hawng a. Chumi hnuch man chawia
a tih theih a ni thin a. Tun tunna kan inthlan dawn thleng
khan man chawia ziah luh leh kha a awm reng mai a. Khangte
khan thil a ti tha lo hle a. Pawisa chawia tih theih anih
avangin Pawisa nei deuh te chuan an ti thei hle mai a. Ka
bial ngai ah pawh 200 dawn lai a lo awm thar leh mai a.
Ka han protest dawn emaw ka ti hial a. Hotiang buatsaihna
ah hian fimkhur zawka tih nise er chah duh a. District
Council ah khan tihdan awlsan tak mai a awm a. In tina kal
pawh ngai lovin Village Council ee leh Party hranng hranng notu
te nen fel takin a tih theih mai a ni.

Chuvangin tun chinah chuan Electoral Roll buatsaih
anih leh hunah chuan fimkhur zawka tih ni tawh se tih hi

PU SAPLIANA: Pu Speaker, Election chungchangah sawi tur tlem ka nei ve a. Tuna kan budget ah hian District Wise deuhva siam awm tak niin ka lo ngai a. Mahse tuna kan kalmang ah hian chutiang chu a awm chuangin ka hre lo va. Chuvang chuan Election chungchang hi kan hotuten tun aia ngun zawk deuh hian lo n leh se.

Tuna kan inthlan dawm kan Electoral Roll hman kha a fello om om mai a. Khaw te deuh thenkhatte pheii chu a khua hiala hmaih te a awm nual mai a. Chuvang hmaih te tan chuan thinur thlak tak a ni ang. Chuvangin tun hmaih chuan chutiang thil fello chu a awm tawh loh nan, hnathawktute indaih lohte chhuanlan a nih pheii chuan staff pawh chutiang strength deuh chuan siam mai ni sela.

Tin, election khawn sawrkar in Private Motor te pawh a hman luh sak hial khaw a ni a. Chung motor neitu thenkhatte chu tun thlang pawh hman man la pek lohte an awm a. An han dil leh "Chutiang atana sanction kan nei lo" te an tihsan mai mai a ni awm e. Entiran Police Department te pawhin chutiangin pek dah leh duh lohte an nei a. Tun hmaih chuan hetiang inthlan a mi mal thil kan hman sak a awm pawhin dik takin a man ang chu pek nise.

Tin, Department dang reng reng pawhin mi private thil Department tana a hawh chi reng reng a man dil takin pek ziah a tha. Chungchah chuan hotuten hnathawktute chet dan hre chiang ngai se.

PU NGURAWLA: Pu Speaker, hema Election chungchangah hian tawite han sawi ka duh a, Election chung changa Election Department lamte pawhin fel zawka ni tih theih ka beisei pah bawk a. Tun Election campaign lai kha mi thenkhat chuan campaign nan ka bial ah ngai buhfai som an tum a. A.O. te nan pawh an in khak pah hial a, thil mawi lo tak a nih bakah thil fello tak niin ka hria. Campaign nana hetiang thil Advantage a an lo hmang mai hi a fel lova, sawrkar pawhin ngun takin on fish se ka duh a. Tuna atanga fel zawka a kal tawh nan pawh ka duh bawk a ni. Thil kal tawh a ni a, mawi lo leh bal deuh pawhin lo awm mahse, nakin zela kan that na turin fel zawk loh dik zawka thil kal tir tawh hi tum ila ka duh a ni.

PU CH. CHHUNGA,

CHIEF MINISTER: Pu Speaker, Demam No. 8-na ah hian Rs. 9,55,050/- a ni a. Election hi a bul chu helaiha Electoral Roll luatsailun hun te kan la nei lova. Tun atang chuan kan ~~we~~ nei ve dawn ta a. Hei staff te hi an tam tawh lo an ti mai thei a, mahse a tul dan anga ngaihtuah zel theih a ni ang a. District lamah te pawh kan hna ah fel tawh dawn lova kan ngaih pawhin a siam kelh zel theih ang a.

Tin, Electoral Roll a dik tawh lohzia te an saw a. Hengte pawh hi theitawpa tih sawrkar chuan a tum a, za a za chu a dik famkim lovang tih erawhchu a hriat mai a.

Tin, Election avanga vehicle an hman tun thlang

SPEAKER: Demand No.8 hi a remti apingla Aye ti ru le.
(Member ten Aye and ti a) A remti lovin No ti ula.
(Member te an ngawi a) Kan passal anih chu.

- Tunah Demand No 9-na ah kan kal leh ang a.
Hon'ble Chief Minister in han naye sala.

PU CH. CHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for Grant No.9 for Rs. 67,95,210/- for meeting the expenses on General Administration in the General Administration Department.

PU K.L. ROCHAMA: Pu Speaker, Demand No. 9-na General Administration ah hian tawite sawi tur ka nei a. Hei hi short discussion adan ka tuch lut na a, a remchang dawn lova ka hriat avangin ka hian sawi mai ang a.

Ka hma a Member zahawn tak tak ten Mizoram a Security Force chungchang an sawi kha han chhuzawn ve ila. Kum 1968 khan Vascitlang ah Pu Manialliana (Pathian Thu Hritlu) chu sipain an ka Phlum a. Nikum 1971 November thla khan Pu Lalallawma chu Assam Rifles in an man a. Lunglei ah a ruang an rawn dah tawp mai a. Tin, Manni lawk khen kan hriat theuh angin Chaltlang gula Zonunsangi chu sipain Motor in an chilhlum a. Hei tunch Pu Rohluema chu 19th Punjab Regt. in Hauruang Group Centre ah an man a, ani pawh chu 15.10.1972 khan a ruang hmuh a ni leh ngawt baw a. Tin, Hauruang ah vek 9.10.72 khan 19th Punjab bawkin hmeichhe pathum an pawng sual a, hemi thua Lungawilchha entir nan Lunglei mipuifin Party pawh sawi lovin lungrual takin 10.10.72 khan kawng an zawn a. Tin, Prime Minister leh Home Minister te leh kan Lt. Governor leh Chief Minister te pawh hemi thu hi hriattin an ni a.

Rem buai zual laia sipai chet lante chu kan ngaithiam thei anih pawhin tun ang hunah Mizoram ah inchhina Democracy dan angin kan nei a. ni 70% ah a tawin vote pawh an thlak a ni.

Tunah hian Popular Government a ding tawh a ni a. Kan sawrkar hi sipain an zah tawh tur a ni. Hotianga dik lo taka mi pawisawilote an man a, an pawngsual a an nunna hialte an lak sak thin hi ka C. Noma a ni. Pawng tak leh dik lo taka titute hi zawn chhuh a, dan anja hrem ngei tur an ni. Tin, Hauruang incident chungchang ensiah turin Enquiry Commission siam tur leh 19th Punjab Regt. hi a rang thei ang bera Mizoram atanga sawn chhuh turin sawrkar pawh ka ngen duh baw a ni.

General Administration a Establishment hrang ^{hrang} te kan thlirin thil tih dik tui awmin a lang a. Aizawl District Administration ah chuan Officer 10 tan motor Driver 7 ruat a ni a. Lunglei ah Officer 7 tan Driver 2 ruat a ni a. Tin, Chhimituipui (Saiha) ah Officer 5 tan

Tin, Bangla Desh buai lai khan mi thenkhat Pachang Refujee Camp an Storekeep, Scalenan etc. anjin an chhawr a. Mahse chung zinga mite chu tin thlengin hlawn la pek lohte an awm a. Tin, Contractor thenkhat Pawhin ram buai avangin Bill tang an la nei nual a. Hnathawk ngeitute chuan an hlawn an imu tur a ni. Mahse kan budget ah hetiang atana thil ruahman a awm hauh lova, hei hi sawrkarin rawn ngai pawimawh turin ka chah duh a ni.

Kan Budget ah hian Lt. Governor, leh Chief Minister te chin Discretimary Grant siam sak an ni a. Mahse kan Minister te hman ve tur engmah sawina a awm lova. Kan Minister te hi Discretimary Grant siam sak ve ngei nise ka duh a ni.

Itam buai avanga silai sipaitin min hren sakte kha dap chhuah a hun tawhin a lang a. Kan lo leh huante humhah a ngaih bakah, mi tam berte chuan kan pi leh pu atanga kan ro hlu nei chhunte a ni a. Tunah chuan kan ram boruakte pawh a lo zang ta deuh bawk a. Heng silaite ni a neitute hnena pek theih tura dap khawm turin sawrkar ka ngen duh a ni.

Engpawh nise, kan hotute hian an hnuaia hnathawh tute theuh hi ngun zawkin vil turin ka chah duh a ni.

PU J. THANGHUAMA: Pu Speaker, hei kan subject hi a pawimawh hle a, kan Chief Minister hi tunah khan tang chhuak ho ka han hmuhpui a, heng tang-chhuak kawngzawh mekte hi buai vanga tang (Political Prisoner) an ni a. Buai avanga sipai ten an man zawng zawng hi ni 8000 vel emaw kan ni ang a. An mahni tanpu nana Budget a Rs. 5000/- tih hi a tlem lutuk reng reng mai a. tuna an harsatna kan Chief Minister zahawm tak hnena an thlen hi lo pawm sek hram turin ka ngen pui duh a.

Tin, kan Chief Minister zahawm takin circular in Department Head te chu Session ah hian an kal ve tur a ni tih thu a sawi hian min ti lawm hle bawk a ni.

Tin, buai avangin sipaiten nasa takin min rawk a, kan hungrua te an la in, kan pawisa te hial min chhuah sak a, heng pawisa min man sak Treasury a an khung ho daih mai hi a neitu dik takte hnena kir leh turin ka ngen a. Heng pawisa 'Under the Law' a phuar an nih and tih te hi eng 'Law' nge ni ta? Awnze nei lo a ni, bar mai lo maw? Chuvangin buai vanga sipai leh Police in pawisa an man te kha kir leh vek turin ka ngen a, kan Chief Minister zahawm takin lo ngai pawimawh hram se ka duh ngawt mai.

Tin, He kan Budget ah hian kan District pathun te saw an lang ve lo viau mai a, ngaihtuak tel ngei ni se ka duh a. Kan Member zahawm takin a sawi angin Hauruangah te Lungdar ah te Punjab sipaiten nasa takin mipui an hrem a, nula te pawh an khawih bawk a. Buai hlimchhawn deuh 1968 te khan mipuite chungah an che rura lutuk a, sawi ngam pawh a ni lo hial zawk a. Tunah hun a lo thawveng deuh va, kan thawl ta e, kan ti a, mahse heti taka an la che hi mak ka

Tunah hian thil tih mai mai leh ngaihthah a hun ta lo. Zoram hi disturb (ram buai) ni mah ila, Army hote chu Police Deptt. tanpuitu te chauh an ni a, Curfew duty a an la vak an la vak te pawh hi a tul tawh lo. An hna chu Jungle Operation a ni a. Border lamah an che tur a ni a, curfew laite pawhin an Camp ah an awm mai tur a ni. Chuvangin heng harsatna laka min hun tur hian kan sawrkar hi ka ngen tak meuh meuh a ni.

Tin, thingtlang hmun tam taka Identity Card la ngai rengte leh, Gate a min lo check reng mai te hi a ninawm in a thawven loh thlak lutuk a, hengte hi tih bo vat nise ka duh bawh a ni.

Tin, kan ramah hian Vai ho hi Department lu-ah an awm tam lutuk a, Mizote hi in duh sakin a lu ah leh a pawimawh ah tal i in dah ang u. Heng hi kan Chief Minister zahawm tak ka ngen duh a ni.

Tin, Home Guard hlawh hi nitin rate in Rs.4/- a ni a, hei hi a tlem lutuk a, tihpun a tul hle bawh a ni. A tul ang ang leh theih ang anga tarpui hi an tui tak meuh meuh a ni.

Tin, kan Minister te chuan Aizawl hmun atangin thingtlang khaw pakhat ah chuan Village Council pawh raven~~ta~~ lo leh a hmun pawh a kal lovin, ram te mimal hnenah an pe mai thin a. Hengte hi a pawh lutuk a ni.

(Pu Saitlawma: Pu Speaker, Demand No.9-na pawn lan a sawi hi bengchhong mai a ni lo naw?)

Pu Speaker, a ngaithla poih lo a nih chuan chhuah mai rawh se. Thu tak tak ka sawi a, ka in duh thawh lutuk a, a an loh theih loh a nih hi. Theihtawp kan chhuah lohvin mipuite tan engnge sawt ang?

PU K.SANGCHHUM: Pu Speaker, Mizoram kan in enkawlina a pawimawh ber chu kawng hi a ni a, kawng a that tawh loh chuan hna a thawh that theih loh a ni.

Tin, a hmasa in a lan dan in Officer te hna a tawh tawh loh avang niin a lang. Hmun tinah Officer ten min awng ngei se ka duh a. Tunah pawh keini District Council pathum te hian ken harsat phah em em a, Secretariat pakhat kan bia a ni a, buaithlak tak a ni.

District Council pathum lai hawn belh ah hian a proportionate lo hle in a lang a, Aizawl ah pawh a tawh lo a ni. Hetianga staff te an awm that tawh loh avangin buain a awm thin a ni.

Hmanah Assam Rifles in Sangau ah bomb an ti puah a, naupang paruk an thi a, sawm leh pahnik an hliam a. Kei pawh a hmunah ka va kal a, an A.O. te pawh ka va be ve a. An A.O. hi A.O. tak pawh ni lovin a awp leh nghal a, bomb puah chung dangte pawh ka zawt a, engmah a hre ngam lo a ni. Chung chu Officer tha tawh an awm loh vang a ni a, chuvangin kan sawrkar hian ram kilkhawr a an ngaihah te pawh Officer hi

PU CH. SARRAWNGA: Pu Speaker, tawite han sawi ve hram ka duh a. Kan Member zahawm tak takte sawi atang khan Kan ram ah hian Security Force an awm a. Thil tha lo tak tak kan chungah an ti thin a. Chung chu tawp tawh se kan ti tlang em em tih a lang Chiang hle. Opposition Leader ang vak mai pawh kha a awm viau mai. Lunglei a tun hngai incident phe i kha chu Judicial Enquiry hial sian awmin ka ngai a.

Kum 1966 ah kan ram a buai a. Chuta tang tawh chuan a dik leh dik lo pawh sawi lova tawrh tir kan ni tawh a. Buai zual chhung kha chuan mahni pawh kan inthiam loh avangin awmin kan hre zel a. Amaherawhchu tuna buaina pawh a lo nep tak viau hnu thleng em em a kan la tuar bel hi pawh kan ti lo thei lo. Engpawh nise tunah kei mahni sawrkar ngei, kan duh ang sawi theihna kan nei ta hi a lawmawm a. Engtikah emaw chuan kan au hla te hian Delhi a thleng ngei ang a. Kan duh dan pawh sawrkarin a hre thiam ve ang chu. Hetianga mahni sawrkar kan neite hi Pathian hnenah hial pawh lawmthu sawi a tul hlein kahre nghe nghe a ni.

Hetianga Politics avanga ram buai na a thlenna apiangah chuan kan tuar ang hi khawvel hmun dangah pawh an tuar lo thei lo. Chu chu a pawh turzia hre rengin theihpatawp in buaina sian lo turin kan sawi thin a, mahse a thleng ta tho va. Chutah chuan kan thian Congress te pawhin Lolicy mawi tak Remna leh Muanna tih chu zamin an bei a. Amaherawh chu mipuite hian remna leh muanna chu kan duh tak tak em? tih hi inzawh chian a tul. Policy a hmangtute ngei pawh hian Remna leh Muanna chu an duh tak tak em tih hi ka zawt a ni. Chutiang chu kan duh tiang tak tak a nih chuan kan bei tlang tur a ni ang a. Sipaite chu mawl tak tak an mahni hotute lo chuan thuan theih awm pawh ni lo an ni a. Chutiang mite chu keini chuan kan dang tak tak thei lo va. Pu Thanghuama kha "sawng tam tak an man zinga ah sawn tlente a dik" a ti a. Kan hriat chian pui thei chiah lo va. Engpawhnise kan duh tiang tak tak a nih chuan bei tur a ni ang a. Amaherawhchu tunah hian dik tak chuan ramhnuai kal chhuak ve peih lote pawhin kan encourage tlat a ni. Pawh kan ti tak tak a nih chuan tih dan chu a awm dawn lawm ni? Kei mahni theihna chuan tunah hian kan bidawng der tawh a ni lawm ni? Tunhma pawhin sawrkar leh kan ramhnuai h tute inbia se te kan ti a. Chutiang kan tihna te pawh chu kan hlawhchham in kan tawp der tawh a ni lawm ni? Chuti anih chuan ti theitu pakhat kan la nei - Pathian hmaah i kun ang u. Kan Kohhran hote pawh hi heng avang hian Kohhran tawngtai na bik siamin Pathian hmaah an kun tawh er? Pathianin engkim ti theiin kan ring a ni lawm ni? Chu chu kan ring lo a nih chuan engah nge Pathian Pathian kan tih? Chuvangin awmhmun a ang mai mai lovin, Pathian hnen ngei ah i thlen teh ang u.

PU R. THANGLIANA, MINISTER: Pu Speaker, Point khat pawimawh tak han sawi tur awmin ka hria a. Kan Member zahawm tak Pu Sangchhuma thusawi kha a hre Chiang lo nge a hre sual palh ka hre lova. Tin, Keiman ka lo ngaithla fuh lo zawk nge ni, kan sawifiah tulin ka hria a. Sangat incident thu kha a tukah kan Lt. Governor ren kan va kal a, kan hmuh dan chu hetiang hi a ni :-

Tin, keini chu Saiha lamah kan tlang phei zel a. Tin, chung hliam te chu Hospital a Helicopter a phurh turin tih, a ni a. Mahse mi thenkhat in an nau hliam buar te, an hmuhphak lohva enkawl a an han awm tur chu an phal lo tih thawa te a awm tual a. Tin, Doctor te Dandawi te pawh theih ang a thawnphei a ni a, chubakah hliam tuarte chu tanpuina pek vek an ni. Hei hi a tuk mai a kan va kal, kan thil va hriat dan chu a ni a. He thil hi tih luh nilovin, vanduai palh thil liau liau zawk a ni.

PU LALKUNGA: Pu Speaker, C.I. te dinhmun hi sawi a ngaiin ka hria a. Tunah hian D.C. hnuaiah an awm a, putar te te upa tak tak an ni tawh hlawn a, Office ah Feon angin an hmang a, tun hmaa an thawh ang kha an thawh tir meuh lo niin a lang a.

Tin, C.A. te hi chu Local Administration Department hnuaiah an awm a. Hetiang bawk hian C.I. te pawh hi lut ve se a tha in ka hria. Tuna an awm dan hi hrechawn an ti em em a ni.

Tin, General Administration Department ah hian fel tawk lohna awm in a lang a. Magistrate te hian Lal leh Chhandantu nih an fawm a ni ringawt mai a. Judge te, warrant te, ~~Magistrate~~ Magistrate pakhat a innghat lovin a hrang theuhin awm se thain ka hria. Thubuai nei laite tan that lohna tam tak a awm thei a ni. Chuvangin District Judge hi a hranin awm se thain ka ring a ni.

Tin, Civil Secretariat ah Assistant Superintendent sawm lai an awm a, mahse tunah Superintendent te an awm nawk si a, demotion siam leh tur nge, Superintendent tan sanction a awm si lo hi kan Minister in-changre te hian ngaihtuah dan nei thei se ka duh a ni.

PU HRANGMAI: Pu Speaker, valina kan budget Demand No.9-na hian a huapzau hle a, sawitur pawh a tam hle mai Village Council te, Grouping Centre te a huap vek avangin. Chawhma lam khan ka sawi ve meuh lova, chawhnu lama hun a thawl deuh zawk ka boisei deuh avangin ka inkhek a ni a. Tuna kan pawisa ruahman hi ka duh ai chuan a tlem lutuk deuhin ka hria. Tangka hmanna hi kan duh tam hle si.

Kan Officer te hian an mahni in leh an tual zawlah mi ongzatnge an chhawr? Tunhma British hun lai kha chuan tuna L.G. tualah sawn Mali 6 vel an awm a. Tin, Bera te, Sawarpu te, Tuichawitu te, Hmunphiat te a hranin an awm bawk a. Chung zawng zawng chu Superintendent in ama hlawn atang veka an hlawn chu an pek a ni a. Tunlai a kan Officer apiangin a mi engemaw zat an chhawrte hi sawrkar atanga hlawn pek vek niin an lang a. Kan Officer hlawn te lah chu British hun laia Officer te hlawn zat deuh tho a ni bawk si a. Chuvangin hetiang sawrkar hlawn pek an chhawr dawn a nih tho si chuan Officer te ho hlawn tal hi tih tlem ni sela, an chhawrtura te lak tan ni zawk mai sela.

Tin, kan ram buai avangin sipai an lo chhuak a, Rambuaina rayn su kiangtute leh an sut ver hnu a buai ve lo te enkawltute hnatbawh dan British hun lai nen a inang lo

World War II kha chuan sipai tam tak an lo chhuak ve theo va, mahse Civil Administrator te thu lo chuan tu bialah mah Kuli an duh thuin an phutlui lova, hnatlang an siam bawk hek lo; tun buaina ah erawh chuan hlawh nei lovin an duh leh min chhaw a, an duh leh kan ui ar ran neihte reng reng min chhuhsak a, min tih hlum sak a, kan thil neih leh thahrute bakah pawh psawisawi lo min that a; an duh leh hmeichhia an pawngsual a. British hun laia Brigade chuan kawng tinrengah an mahni an in todelh a. Chutiang ang chuan tun ang ram ven tawh hnu deuhah te tal hi chuan an in todelh ve thei tawh tal lawm ni? Chutiang a nih loha an ngai anga an awm reng dawn chuan kan ram atang hian chhuak vek tawh sola a tha berin ka ring. Bin, rambuai avang khan mi tam tak an botal a, chung boralte chu rahnuai lam mi leh sipai lam kuta boral an ni a, chung zinga mi thenkhatte chuan an chhungten tanpuina tlem azawng a n hmu a; a hmutute rau rau pawh a inzat lem lova. Mi tam zawh erawh chuan tanpuina (Luman) an la hmu lova. Heng tanpuina hmu ve lo te hmuhna tur hian kan Budget ah engmah a lang bawk si lova, ~~xxxxxx~~ Chuvangin chutiang ang boralte chhungkua chu chhuichhuak tur kan insiam em? Kan la in siam lo a nih chuan hotute hian lo enfel ngei ngei se ka duh a ni.

Grouping Centre leh hi an tawt em em hlawn mai a, Group Centre ah hian Thingsulthliah khua hi Zoramah a lian berte zing a mi a ni a. Grouping hmun dang te chu an extent sak nual tawh a. Thingsualthliah chua an mahni duh thua awm ni hauh lo tawt em em a siam reng te hi an siam thawl theih reng si a. Kan hotuten an ngaihtuah ngun a tul hle in ka hria. Tuna an awmdan anga an awm reng chuan an khawhlui lamah te kir an chak a, an thiamawm a ni. In zawmhni in sawm thum lek lek a Mizoram khua hi siam leh kan tum a nih si loh chuan Group Centre te hi an khua kan plan sakin kan Develop tur a ni. Chung an khaw in siam thawl nan chuan cheng nuai hnih laite han pe theuh ila chutih hunah ~~chuan~~ tumah an khaw lamah kir lehna rilru pawh an pu-in ka ring lo. Mihringte tan khawpu zawk chu eizawn nan pawh zangkhaia zawk a awm theih thin avangin. Chutiang ang tih tumna te kan hotute hian ngaihtuahna an nei lo a nih chuan pawl ka ti ngawt ang. Grouping kan chei nawm chuan Mizoram khua hi zahawm taka enkawl theihna kan buaina hian a thlen a nih theihna turin kan hotute rilruah thun ka han duh a, ka han chawve a ni e, ka lawm e.

PU CH. CHHUNGA,

CHIEF MINISTER: Pu Speaker, He kan Demand No. 9-na chung chang hi kan Member zahawm tak ten sawi selna an nei lova, a lawmawm hlein ka hria Mahse khawimaw lai laiah lungin tangte tanpuina chungchangah in duh tawh lohna a awm ni awm a ni a. Hei hi a tul dan anga ka ngaihtuah zel tur a ni ang a.

Tunah hian bul kan tan chho dawn a ni a, thil chu a theih ang, leh tul ang angin tih danglam theih zel a ni a. Nitin kumtin in sawrkar thil chu tih fel leh tih danglam a ni zel a.

Tin, Department Head atan Vai kan la hi, in sawisel a nih pawhin a awm lohna a awm hauh lova. Mahse kan la tlin lohdeuh thilah te lak rih an ni mai a, tin, kan Mizo Officer te hi tling tawk an awm lo tihna ni lovin kan tlin lohna lai te pawh a la in ang thei lova, chuvangin vai han dah rih te pawh hi tul na lai chu a awm ve rih a ni. Tin, kan sawi fo tawh thin Transport Wing lamah te pawh vai Officer dah a ni a, a mah pawh hi a tling viau nghe nghe a. Mahni ram ang tak takin hna a thawk niin a lang. Kawng dangah te pawh fel tak tak an awm mek zel bawk a. Kan Mizo te ngei pawh, heng Pu Nithanga te Pu Dengchhuana te hi A.C.S. I kan neihte an ni a, tin, vai ah pawh Senior tak tak an awm hlawm e, hengte hian kan sawrkar ah hian dinhmun pawimawh tak an luah hlawm a ni.

Tin, Director of Education lamah pawh hian vai tha tak kan nei a tih loh theih loh vanga a mah hi he hna ah hian Pension khawp hial a lo thawk tawh a nih avangin, a hnuai Officer te tan leh kan Zoram tan hian kan tangkai pui ngei kan in beisei tlat a ni.

Tin, Law Department lamah mi thiam tak leh Experience tha tak nei tawh Srivastava rawih a ni a, chutiang zelin midang te pawh lak an ni rih a ni. Tin, Accountant turin Mizo thiam tak tak zawn mek zel a ni a, hetiang ah te hian experience nei tha hi an duhawn a. Tunah hian la indaih loh viau a nih pawhin ngaihtuah zel a ni dawn a, a tling leh tlakah chuan Mizote thlah thlak an ni lovang tih ka sawi duh bawk a ni.

Tin, Hauruang incident ah khan a ti tu kha a hmun chhuahsan tur a tih a ni a. Hmanni lawka Chaltlang a thil awm te pawh kha theih nghilh an ni lova, chhui zui zel a la ni.

Tin, Brigade lam chhuak tura nawr ngawt hi chu la hun in a lang rih lova, Pu Anthony chung a thil lo thlengte leh a ram boruak reng reng han thlir hian Sipai lam tan hna a la awm viau in a lang rih a. Kan ramhual lam thiante an rawn chet leh thin avangte hian boruak a la lum rih ah ngaih loh theih a ni rih lovang a.

Tin, sipai ho chet dan dik lo lutuk te erawh hi chu sawrkar ah thlen fo a ni a. Sipaite hi engemaw zawng takah

chuan zu hriat thiam na lai an awm ve thei bawk a. Hun reife huangtau tak leh an duh ang angin an lo che rei tawh a, tuna an awmdan te pawh hi an chhawn chhoh niin a lang thei a, engpawhnise thil dik lo lutuk chu tumahin kan tuar thei lo ang a. Kan Member zahawm takte nen tangruala nawr leh tih reh zel chu tum a ni a. Ram pawh a muang chho zel ang a, hengte hi chu reh hun a awm thuai ang tih ka ring tlat a ni.

A tawp berah chuan he Demand No.9-na hi kan Member zahawm takte hian sawisel vak lova min pawmpui theih ka beisei.

MEMBER. Tunah Demand No. 9.na General Administration atan
Bengal Ave ti ru le.

PU CH. CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for Grant No.11 for Rs. 4,40,400/- for meeting the expenses on Jail Administration in the Home Department.

SPEAKER: Demand No.11-na chungchanga sawi duh nei chuen han sawi ula.

PU J.THANGHUAMA: Pu Speaker, tun tum chu sawi sei ka tum lova. Amaherawhchu kan Jail chungchangah Rs. 4,40,400/- a awm a. Staff 65 lai tur an ni a. Tunah hian Aizawl ah Jail 2 a awm a. Chung atan chuan Jail Warders te hi an tlem hle mai a. Chung mite chu vai deuh vek an ni nghe nghe a. Tunah hian Jail Warders 49 kan la dawn a nih chuan hotuten Mizo ngei lak ni se.

Tin, Jail hi a tawp lutuk a, ei leh bar a chhia in a tlem leh nghal se. Chuvangin vawn fel deuh va, ei bar lam Pawh tih that deuh ni se.

Hman nia Member zahawm tak pakhatin a sawi ang khan Lunglei lam tan Budget ah hian Jail sakna tur a lang ve lo va, Lunglei ah sawn Jail tha deuh tak chu siam ve ngei ngei ni se.

Tin, Jail Superintendent thua hian, tunah hian hmun dangah chuan Mizo pawh fel tak tak an awm ve tawh a. Ka hriat hote phei chu an fel viau nghe nghe in ka hria. Chung keimahn tual chhung mite ngei chu Jail Superintendent atan hian lak theih ni ngei se tih hotute ka han ngen bawk a ni.

PU R.ZOLIANA: Pu Speaker, hemi Demand No.11-na ah hian han sawi ve duh ka nei a. Jail bik atan hian a tlem lutukin ka hria. Ramdangah chuan Inspector General of Jail thlengin an awm a ni. Tin, District Jail bakah hian Sub-Jail kan nei dawn niin a lang a, amaherawhchu Jail ~~kan~~ lamah hian duham vak mai hi a fel lohna awmin ka hria a. Jail Administration hrim hrim hi a tlem a nih pawhin Uniform nei lo chi hian enkawl se tha awm hlein ka hria.

Tin, Contract thua Jail a mi te ei tur a that zawk theih nan Uniform lo chi hian hoo sela a tha in ka ring.

Tin, he lai kawt a Van (Motor) awm thin boruak pawh duh anga awm lohna chhungah tang hote hi nilenga an awm thin hi hmuh hrehawm ka ti a. Hongte pawh hi kan sawrkar hian ngaihtuah se ka duh a ni. Tin, Lunglei leh Champhai angah te hian tuihnai deuhin awm ve se ka duh a, chu chu ka han sawi ve duh a ni e. Ka lawm e.

PU K.L.ROCHAMA: Pu Speaker, Demand No.11-na chipchiar takin Member zahawm tak tak ten an sawi tawh a. Mahse tlente han sawi belh ve ka duh a. Hei kan Schedule of Works hi kan enin Saiha a Jail sak nan Rs.6,00,000/- ruahman a ni a. Mahse Lunglei a Jail sakna atan engmah riahman a awm ve lova. Lunglei saw Sawrkar thara kan awm hma atangin Mizorama khawpui lian ber dawttu leh Sub-Division Headquarters a hman reng a ni tawh a. Chutiang dinhmun ah a awm reng tawh e ti lo chuan Jail tih tlak pakhat mah a la awm ngai lova. Tunah phei chuan District Headquarter a lo ni leh ta nghal a. Tuna Jail atana an hman saw Kudam hlui a ni a. Mautam laia Kudam atana sak anih avangin a hlui tawh bak ah mihring chenna atana kan hman chi a ni meuh lova. Tin, a awmna saw a khawlai in Office leh kawngpui te nen a inhna reng mai a. A rimchhe em em thin. Tin, Jailor chenna inte saw a chepin a thim lutuk a.

Sualna hian reh tih tak tak a nei lovang a, Jail mamawh loh hun a awmin a lang lo. Chuvangin Lunglei ah sawn Jail a rang thei anga sak thuai a tul a ni. Tuna kan Budget ah hian kan telh lo a nih pawhin Special taka provision sian turin sawrkar ka ngen duh a ni.

Ka sawi duh leh pakhat chu Jail tangte chaw saw mi pakhatin a Contract thin a. Mahse a Bill sawrkarin hun rei tak a hren sak tawh nia hriat a ni a. Hei hi sawrkar in han tih fel sak thuai se ka duh a ni.

PU LALKUNGA: Pu Speaker, Jail chungchang hi hmanni atang khan ngaih pawimawh atan ka tihsa ve reng a ni a. Kan hotute hnenah a pawimawh zual lai tal, a tul zawng zawng wawi khata an ngaihsak thei lo a nih pawhin, lo ngaihsak turin ka duh a ni.

Jail tan hian Doctor a pawimawh em em mai a, hmun hrisel lo, dawmdawi leh Doctor ngai chi ber an ni a. Tin, ei leh in lam hi a tha tawh lo lutuk bawh a. Chuvangin thil pawimawh zual tal chu ngaihtuah sak tul a ni.

Tin, Jail chhungah hian Classification awm se thain ka hre bawh a. Mi a deuh leh bawraw deuh te leh mi lian deuh te hmun khata dah vek chu awm lo hlein ka hria a. thliar ve deuh dante ngaihtuah ni se.

Kan Ram buai avanga tang tawh thenkhat, engenaw ri a lo awm thar leh avanga rinhlelh chawpa man leh - Pu Ngurchhina te angte hi kan hotute hian ngaihven deuh sela. Rin thu ni maia man hetiang chi hi an dik lohna an hmuh si loh chuan hren rei lutuk loh a tha a ni. Tin, an tan chhung chu Political Prisoner ang chiaha cheiin Classification pek ni bawh se.

Tin, Jail Warder te hian zu ruhi an ching fova, hengte hi thil dik lo tak a ni bawh.

Jail ah hian mitinin sawrkar phal ang an chanve dik tak an chang tur a ni.

PU LAISANGZUALA: Pu Speaker, Hemi Jail ah hian rawt duh ka nei a. Kan ram dinhmun alo danglam ta a, siam that ngai a tam a. Jail atang hian misual siam that tam tak an awm ka ring a. Provision siam tha-in ka ring a. Chuvangin heng thil ah hian rilru taka misual kan siam that theih nan tan kan lak ka duh a ni.

SPEAKER: Jail chan chin kan sawi zel a. Tunah Hon'ble Chief Minister in han sawi tawh mai se a tha ang.

PU CH. CHHUNGA,

CHIEF MINISTER: Pu Speaker, Demand No. 11-na chuncchawng kan Member zahawm tak ten fol lo deuh lai ni awma an hriatte kha kan han sawi ang a.

Sub. Jail kha pahnih sak tura ruahman a ni tawh a. Hetiang in sak lam thil hi chu P.W.D. lan zinga awm chi an ni a. (vide P.240) Chuvangin helai phoka a lan loh avanga hlauhthawn mai chi a ni lovang. He mi thua in ~~ni~~ vui thu zawng a awma lai in en fuh loh vang mai a ni e.

Tin, Jail Superintendent chu kan nei tawh a. Miz erawhchu a ni lo. Assistant Jailor te pawh Mizo leh Mizo ni lo te kan nei tawh a. Engpawh nise tun hma thil chu kan awp hma a mi dang, thu neituten an lo tih tawh an ni a; a nih ang chuan liam phawt mai sela. Tun chinah chuan heng Jail siam that leh enkawl that chungahangah te leh thil dangah Pawh kan ram tan lungrual taka kan tan tlan a tul hle reng ani.

Jail chhakta a mite hi a thlangah sawn ila chu an thawl nuam deuh ngei ang a. Mahse tuna kan Jail thlang ta hi chu a sakzia reng hi Jail Type a sak a ni lova, emergency taka sak kha a ni a. Amaherawh chu sawn thlak kan duh tlat a nih chuan, mitang dahna tlaka buatsaih a ni ang a. Tin, tuna kan neih ang em ema lian khu chu kan mamawh rengin ka ring lova. Kan lo la mamawh ta zel a nih erawh chuan thil vanduai thlak lam a ni zawk ngei ang a. Chuvang chuan keima ngaihdan mai chuan tuna kan neihsa hi a tawk viau chuan ka ngai a.

Tin, Jail tangte tana hna tur siam sak thu leh an thawh theih tawh ang leh an thiam theih tur awm chite siam sak ila tih thu Pu Laisangzuala sawi kha a a pawinawh khang mai. Thiam hnanng leh thil dang, a theih ang ang chu ~~an~~ thil tum a tul ngawt mai. Mitangte hi an tam chhan a inang lova. Mangan luat avanga pawikhawih lo thei lo nia inhria te, Tin, tihpalh hrim hrim te a awm thei a. Chutiang mite chu siam that an harsat ka ring lova. Mi ramah te pawh Jail tha deuh awma ah chuan an thawh theih tawh chu an thawh tirin an zirtir bawh thin reng a. Chung ~~chawng~~ chu member zahawmtak te khar an sawi niin ka hria a. Engpawhnise kan han en zui zel ang a.

SPEAKER: Hemi Demand No.11-na Jail atana Rs.4,40,400/- hi x remti apiangin Aye ti rawh ule. (Member ten Aye an ti a) Remti lo in No ti ula (Member te an ngawi a) Kan passed a nih chu.

Tunah Demand No.12-na (Police) ah kan kal leh ang a.

PU CH.CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for Grant No.12 Rs.1,54,65,520/- for meeting the expenses on Police Administration in the Home Department.

SPEAKER: Homi Demand NO.12-na a sawi duh nei chuan han sawi ula.

PU J.THANGHUAMA: Pu Speaker, sawi tur ka ngah teh chian lova, hei Police lam han en hian Sub-Inspector of Police (SI) 81, A.S.I. 130 an ruahman a, a tha tawk viaw. Mahse tuna kan Police dinhmun hi han coment deuh ka duh a, Pu Lalromsiana, Superintendent of Police, Mizo ngei kan lo nei thei leh, a hna zawm atanga thil kawng hrang hrang zu thu te a fel sawzia a lang a, a chungamite a chawimawi hlein ka hria.

Tin, Check Gate thu han sawi ila, Vairengte ah khuan Vai pakhat hnar zum vat mai Police lam ten lo check an tum a, mahse a Entry Pass pawh a phawrh duh lova, a lo check tute chu a vau letling zawk a hriat a ni a. Chutiang a Dahrawk te pawhin an check theih leh chu Mizawl a lo thlon, chho ta a ni. Chuvangin Vairengte ah khuan Magistrate Class III emaw tal leh, Police lam pawh mi paukhauh deuh, rorum deuh te tal dah hial nise ka duh a, min pal zut lutuk hi fel tawkin a langlo. Hei hi hotuten min lo hriat pui se ka duh a.

Tin, chubakah, Check Gate hrang hranga Army duty te hi Police lam hian thlok vek bawk sela. Khing Seling te leh khawdang dangah Police hian check gate changve tawh sela. Thingtlang khua, check gate awm lohna hmuna han kal chu a nuam danglam duh hle bik mai. Tin, buaina pawh hi nep mah mah zawkin a lang nghe nghe a. Tin, C.R.P. hi lo duty an awm a nih phi chuan information pok that nise, tha in ka hria a.

Tin, Police hian Band Party neive tawh sela the hlein ka hria a. Kan Chief Minister zahawm tak hian lo ngaihtuah se ka duh a. Tin, an mahni pualin Hospital lam pawh nei se, fel hlein ka hria.

Tin, Home Guard lam hi han sawi tel bawk ila, tuna an awm dan hi an fakawm hle a, Uniform ha a an han duty te hi an phur viaw in a lang a, an discipline te pawh tunah rih chuan a tha thawkhat viaw rihin a lang a. Amah-crawhchu an hlawnit rate aRs.4/- hi a thlon lutuk a, Rs.6/- emaw Rs.7/- emaw a san chhoh sak ve nise. Tin, pawisa May thla a an lo hmanral tawh chu Budget atangin belh saw ni mai sela. Supplement a la ngai dawn tho va, chuvangin Supplement atan Budget hi Home Guard ho tan sawh then ni ta se.

Tin, ka sawi tawh angin Police lam chu Mizote nei

PU LAISANGZUALA: Pu Speaker, Police Department hi engemaw zawng tak chuan neglected department tak niin ka ngai a. Tunah erawh chuan an Establishment te alo lian ta a. Aizawl Police Station te saw accomodation a chhe hle mai a, tun aia tha zawka tih nise. Tin, heng vacancy ah hian State danga Mizo Police te pawh a duh duh lo lut se thain ka hria a.

Tin, Home Guard thua hian tih sual a awm niin ka rhia a, hei, thla ruk lai ala awm a, mahse Budget a pawisa ruhman aia tam an hmang ral tawh a, tun aia a let aia tam tih pun tur niin ka hria.

Tin, Police hi, kan CLP Leader in a sawi angin ta tha hle a, mahse sawisel tur a tam mai a - Entirnan - Zu thua te - Zu an check a an man touh teuh a, mahse an man dan a fel tawk lovin a lang a, ka bial ah te pawh Khasi Veng (Galili Veng) an tih mai ah te sawn zu an man a, amaherawh chu zu tak ni tawh lo, vawk chaw atana an lak te thlangin an mana, chungte chu Rs.100/- an chawi tir a, rethei te te an ni a, Rs.100/- chawi tur te an nei lova, ka chawi sak ta nghe nghe a ni.

PU R.DOTI NAIA: Pu Speaker, Hei Demand No.12-na kan sawi a, kan ram Police tihpun tur a ni a, a lova awm hle. Kan ramah curfew leh permit system in kan khawsa mck a. Heng hi Police kuta dah anih chuan a thawven thlak deuh in ka ring. Chutiang chuan khaw ki khawr deuhvah te pawh deh tum ila, tichuan mipuiten an chawr vein ka ring a ni.

Tin, Home Guard hi kan ngaih pawimawh zawng tak a ni a. Aizawl bakah Lunglei leh Chhimtuipui District chhuna khaw pawimawh deuh deuh ah te tal chuan dah ve nise. Tin, Home Guard hlawh hi tih tam a tul hle mai. Tichuan kan ram pumah khaw lian ve deuh leh pawimawh deuh chin apiangah Home Guard hi dah vek nise. Member zahawm tak tak ten ka hmaa an sawi ang khan Home Guard chungchang hi a pawimawh ngawt mai. An duty allowance hi a tlem lutuk. Nitin Rs.4/- zel hi a tlem lutuk a, an hna pawimawhna nen a inbuk tawk deuhva patling hlawh awm tawk deuhva ngaihtuah ngai ngai tur niin ka hria. Tin, a thu hrimin a tlem lutuk a, Rs.7/- tal nitin rate ah neih ve turin hotuten ngaihtuah sak ve se.

Tin, Police hotu lam atan hian kan mite ngei dah theih ni sela. Tawng thua te kan eng-a-pui ngei hneah chuan mi kawh berte pawhin duh angin thu kan sawi thei a. Chung ang mi lova kan awm avangin thiam kan channa tur ngei ngei ah te pawh thiam kan chan loh phah fo thin. Chuan angin heng thil hi ngai pawimawh thei hram hram ila, ka duh a ni.

PU CH.SAPRAWNGA: Pu Speaker, tawite han sawi lawk ka duh a.

Police te hi kan thlir dan a fuh ta lo nge, an mahni in an zir ta lo, ka hre chiah lova, Mipuite hian thian ah kan en chiah thei lo deuh niin a lang ta a. Mahsela, hun lo kal zelah hian an hna hi an hotute enkaw nain an thawk tha sawt hle tawh a. Tun hma deuhva an chet dante khua lo zir deuh nge ni. Dawrkai thil lo chungchang

Simla a ka kal tumin an Police Uniform hak chu a dangin a mawi ka ti viau mai. Henglai Police Uniform a uk satliah hi a ni ve lova, an cheimawi danglam riau mai a. Chutiang chuan Zoram Police Uniform pawh hi dress thianglim deuh vin han thlang sela, tun aia mawi danglam deuh zawk hian siam ni ve ta se, thil thar danglam tha tak a ni ang a, kei erawh chuan a tha tur bera chu ka hria a ni lem lova, a ngaihtuahtu ten mawi zawka an tih ka duh ngawt mai.

PU K.L.ROCHAMA: Pu Speaker, Zoram Police ho hnathawh chungchangah ka hmaa member zahawm tak ten lawmthu an sawi a. Tun hnaiah Police hovin hna an thawk tha hle tih kan ngaithla a, a lawmawm a ni. Mahse ram pum a la huap lo deuh niin a lang a. Lunglei lamah leh Saiha lamah chuan an chanchin sawi tur kan bre lo hle a. Tun kum September thla khan kan Education Minister Lunglei a a lo zin lai ngeiin Police Station bul lawkah thim hlimah misualin Bawng panga an vit a, pakhat phei chu kawng laiah ser an lo tum a. Ka mit ngeiin ka zu hmu a, mahse Police duty te chu a thlang hnuhnung ber an ni a. Tin, report kan hriat danin Lunglei Sazaikawnah zu an dap a; an mahniin an in leh nghal a an awmna hmun pawh thlang hlei thei lovin an rui a. Tin, curfew thuah pawh an tih tur an ti lo deuh thin. Hmanni lawka Hauruang incident avang khan chhunah pawh curfew puan a ni a. Mahse khaw laiah mipui an vak mum mum tho avangin Deputy Commissioner hnenah ka thlen hial a. An in thlahdah lu deuh niin a lang.

Leh lamah chuan sawrkar pawhin Police Department hi a ngaihsak lo ve bawk niin a lang. Lunglei Police Thana-ah sawn Telephone a awm lova, Electric light a awm bawk lova. Motor an nei bawk hek lo. Heng avang hian an thawh tur an thawk thei lo ve bawk a. Hmanni Hauruang a Rothuama thih chungchangah pawh Khan D.C. hnenah motor hawh tur an dil chawp avangin an khawtlai pah hle a ni.

Tin, Saiha lamah sawn in luah tur mumal an neih loh avangin mimal in an luah a, luah mante an pek that leh kh theih loh avangin harsatna an tawk thin nia hriatna a awm a.

Lunglei leh Saiha ah hian Police an tlem lutuk a. Hmanni lawka Lunglei ah Vanthangin kawng an zawh tumte Khan Police pahnih chauh ka hmu a. Beat House leh Out-Post te chu sawi loh, Minister lo zin tuma lo tawlawmtu tur pawh an awm tawk thin lo tih an S.D.P.O. in min hrih a. Kan Budget ah hian Aizawl tan Inspeotr 11, ASI ~~are~~ leh Constable 1102 lak tur a ni a, Lunglei tan Constable 18 chauh lak tur niin a lang bawk a. Hei hi chhut soal anih loh chuan sem rual theih ni hram se ka duh a. Tun lai kan ram boruak enin chhim lamah sawn ramnuai lam unaute pawh an rak deuh nia hriat a ni a. Police Force hi tih pun ngei a tul a ni.

Tin, Home Guard leh Fire Brigade lamte pawh Lunglei ah leh Saiha ah dah ni thuai turin sawrkar ka ngen a ni.

PU SAPLIANA: Pu Speaker, hei Police Department chung chang chu a tha viau zelin ka hria a. Ka

Engpawhnise, heng Police tuna lak tur la awmah hi chuan District wise. a tih ni se. Ka hmaa member zahawm takin a sawi ang khan keini chhim kil lam hi kan tlachham lutuk. Saiha khawpui ah te ngei pawh Police dah sa hi a tawh lovin a tlem lutuk a. Chungte avang chuan Sipi (CRP) dah an ni a. Chung sipaite lah chuan tui chawia an chhawrte pawh hlawn an pe tha duh si lo. Tin, Thlang zawk deuh Bangla Desh border lamah tepawh Police dah chu a pawimawh hlein ka hria a. Tuichawng dung, Border ah te chuan Chakma rukru suamh mang an vak deuh reng a, zinveivak te pawh an rali ti em em a, William Bentinck hun laia rukru pawl ang an tam hle a, mipui an rali ti em em a ni. A chang leh Bangladesh ah Burma ah an tlan kawi zel mai si a, chuvangin kawngpui dung leh ualau laia Police dah ai chuan border ah dah nise a remchang in a tul zawk bawkin ka hria.

PU LA LKUNGA: Pu Speaker, ram buai avanga Police ban tak te hi an tam mai a, an ban hma a an hlawn te kha tun thlengin pek lehvin tam tak a la awm nia hriat a ni a. A then tam tak an pe tawh a Officer lamin a ti fel duh tlat lo niawm a sawina te a awm bawkin a. Accountant chuan pay bill chu a siam fel vek tawh a, puhmawh tur dang zawngin an Accountant bangta te kha an han mawhpuh ngawt a. Hei hi Minister i/c in lo enzui sak bawkin se, a tih chi hle ang. A then pe a, a then hren chu thil dik lo a ni tih a lang chiang a ni.

PU SAITLAWMA: Pu Speaker, Police chungchangah hian sawi duh pawimawh tak mei ka nei a, kan hriat angin, he kan ram hian international border line sei tak nei a. A bik takin Bangladesh nena kan inrina lam hi ngaih pawimawh a tul hmasa ber in ka hria, chanchin kan hriat danin Tlabung lamah sawn Bangladesh mi chu sumdawng leh khualzin naran pawh an duh ang angin an lo lut thei a ni awm a, mahac Mizoram lam atang chuan Bangladesh border area a zuk kal chu a harsa hle in an sawi.

Chuvangin Bangladesh non kan inrina lamah hian Police Officer fel tak tak, duhthusam phoi chu, Mizo Officer ngei te dah a, Outpost siam thuai thuai hi tul hlein ka hria.

Chutiang bawkin Burma lam dep area ah te pawh Police outpost siam ve thuai nise, tunlai te pawh hian Burma mi sumdawng te chu kan ramah hian an rawn lut ru fo a ni. Heng thil hi tih hmanhmawh a tul hle in ka hria.

PU CH. CHHUNGA,

CHIEF MINISTER: Pu Speaker, Demand No. 12-na chungchang kan sawina ah hian Police lama kan indai lo. thute leh thil dang dang kan sawi ho va. A vaia han sawi nawn leh chu a tul lo vang a.

* Kan Mizo tlangval te, remdanga awm, kan ram tam lak luh thuah hian fimkhur a ngai a. Heng lak luh thuah hian chuan S.I.s chin, mi fel deuh te, henga kan mitte kaihruai

Tin, Station thuah kha chuan Bangladesh hian outpost chu hawn tum mek a ni. Tunah hian Police Station kan nei tlem em em a. Tuna kan Police neih mek néna inphu tawk chauh a ni a. Tunah hian Police tam tak lak belh tum mek a ni a. Chung chu an Training zawh hun chuan Post sian belh teuh chu thil tih loh theih loh a ni dawn reng reng a. Engpawhnise, chung thuah chuan Kari hrulah chuan Out-post chu sian tum mek a ni.

Amaherawhchu appointment thua District wise a tih nise tih hi zawng tun atan hi chuan kan hmanhmawh em avangin ngaihtuah hman ni rihin ka ring lova. Kan Member zahawm tak tak ten min lo hriat thiam ka beisei. Tunah pawh hian Advertisement an chhuah tawh hial emaw a ni ang.

Tin, Vairengte lama engonaw buai deuh awm kan member ten an sawi kha ka hriat dan chuan hetiang a ni. Amah (vai) kha sawrkar hnathawk a ni a, chung ang chu tun hma pawhin entry pass nei lovin an lo kal mai thin tawh a. Chuti anih avang chuan ani pawh kha a huai ngam niin an sawi. Engpawh nise, sawrkar hnathawk nei te lut in entry pass a x ngai tute hi thil tha niin ka ngai lo hle mai.

Kan hriat tawh angin Police Department hi fel lo viau thin in a lang a. Mahse tunah hi chuan hotu fel deuh an neih chinah, a tlangpui thuin an danglam hle a ni. Chuvangin la tha tak tak lo mahse, chung hotute avang chuan an that tlan thuai ka beisei. Tun hma a Shillong lam atanga Control ngawt ang kha chu a ni ta lo deuh va. Superintendent te Mizo ngei niin I.G.P. te nen lungrual taka tan lak an tum hle in a lang a, an ti tha sawt zel ang.

Tin, V.D.P. thu kha akip a Kawi a sawi tulin ka ring lo va. Zana rukru leh tual chhung misual lo awm theite Vengtu an ni ber a. Heng ang chi hian zarah mipui min tiralm-uang a, an tangkai viau a ni.

A tlangpuiin Home Guard lam hi an taima in an fakawm hle. Kan Member zahawm tak tak ten in fakawm angin an fakawm reng a ni.

Tin, Home Guard hlawn leh allowance tlem in tih thu te, Serchhip a Assam Rifles khi Police in thlak nise in tih te, Police Band Party din nise tihte pawh kha vawikhat a han tih phut chi leh tih theih chi a ni lo vanga, kan en zui zel ang a, a tul dan a tih chu kan tum ang chu.

Engpawhnise, Demand No.12-na hi lo House hian lunguala taka min pass pui ka han beisei a ni.

SPEAKER: Hemi Demand No.12-na hi a remti apiangin Aye ti rawh u le (Member ten Aye an ti a) A remti lovin No.ti ula) Member te an ngawi a) Awle, kan passed anih chu.

Tunah kan chawl tawh anga, naktuk zing dar 10-ah kan tan leh ang.